

論說

新民說一

中國之新民

第一節 叙論

自世界初有人類以迄今日。國於環球上者何啻千萬。問其歸然今存。能在五大洲地圖占一顏色者。幾何乎。曰百十而已矣。此百十國中。其能屹然強立。有左右世界之力。將來可以戰勝於天演界者。幾何乎。曰四五而已矣。夫同是日月。同是山川。同是方趾。同是圓顛。而若者以興。若者以亡。若者以弱。若者以強。則何以故。或曰是在地利。然今之亞美利加。猶古阿美利加。而盎格里索遜英國人種之名也。民族何以享其榮。古之羅馬。猶今之羅馬。而拉丁民族。何以墜其譽。或曰是在英雄。然非無亞歷山大。而何以馬基頓。今已成灰塵。非無成吉思汗。而何以蒙古。幾不保殘喘。嗚呼噫嘻。吾知其由國也。者積民而成國。之有民猶身。之有四肢五臟筋脉血輪也。未有四肢已斷。五臟已瘵。筋脉已傷。血輪已涸。而身猶能存者。則亦未有其民愚陋怯弱。渙散混濁。而國猶能立者。故欲其

身之長生久視。則攝生之術不可不明。欲其國之安富尊榮。則新民之道不可不講。

第二節 論新民爲今日中國第一急務

吾今欲極言新民爲當務之急。其立論之根柢有二。一曰關於內治者。二曰關於外交者。

所謂關於內治者何也。天下之論政術者多矣。動曰某甲誤國。某乙殃民。某之事件。政府之失機。某之制度。官吏之溺職。若是者。吾固不敢謂爲非然也。雖然政府何自成。官吏何自出。斯豈非來自民間者耶。某甲某乙者。非國民之一體耶。久矣夫。聚羣盲不能成一離。妻聚羣聾不能成一師。曠聚群怯不能成一鳥。獲以若是之民。得若是之政府。官吏正所謂種瓜得瓜。種豆得豆。其又奚尤。西哲常言。政府之與人民。猶寒暑表之與空氣也。室中之氣候。與針裏之水銀。其度必相均。而絲毫不容假借。國民之文明程度低者。雖得明主賢相以代治之。及其人亡。則其政息焉。譬猶嚴冬之際。置表於沸水中。雖其度驟升。水一冷而墜。如故矣。國民之文明程度高者。雖偶有暴君汗吏。度劉一時。而其民力自能補救之。而整頓之。譬猶溽暑之時。置表於冰塊上。雖其度忽落。不俄頃則

冰消而漲如故矣。然則苟有新民何患無新制度。無新政府。無新國家。非爾者則雖今日變一法。明日易一人。東塗西抹。學步效顰。吾未見其能濟也。夫吾國言新法數十年。而效不覩者何也。則於新民之道未有留意焉者也。

今草野憂國之士。往往獨居深念。歎息想望曰。安得賢君相。庶拯我乎。吾未知其所謂賢君相者。必如何而始爲及格。雖然。若以今日之民。德。民。智。民。力。吾知雖有賢君相。而亦無以善其後也。夫拿破侖曠世之名將也。苟授以旗幟之權。兵則不能敵。黑蠻哥侖布航海之大家也。苟乘以朽木之膠船。則不能渡。漢沚彼君相者。非能獨治也。勢不得不任疆臣。疆臣不得不任監司。監司不得不任府縣。府縣不得不任吏胥。此諸級中人。但使其賢者半不肖者。半猶不足以致治。而況乎其百不得一也。今爲此論者。固知泰西政治之美。而欲吾國之效之矣。但推其意。得毋以若彼之政治。皆由其君若相獨力所製造耶。試與一游英美德法之都。觀其人民之自治。何如其人民與政府之關係。何如觀之一省。其治法儼然一國也。觀之一市一村。其治法儼然一國也。觀之一黨會一公司一學校。其治法儼然一國也。乃至觀之一人。其自治之法亦儼然治一國也。譬

諸鹽有鹹性積鹽如陵其鹹愈醞然剖分此如陵之鹽爲若干石石爲若干斗斗爲若干升升爲若干顆顆爲若干阿屯無一不鹹然後大鹹乃成搏沙接粉而欲以求鹹雖隆之高於秦岱猶無當也故英美各國之民常不待賢君相而足以致治其元首則堯舜之垂裳可也成王之委裘亦可也其官吏則曹參之醇酒可也成瑨之坐嘯亦可也何也以其有民也故君相常倚賴國民國民不倚賴君相小國且然況吾中國幅員之廣尤非一二人之長鞭所能及者耶。

則試以一家譬一國苟一家之中子婦弟兄各有本業各有技能忠信篤敬勤勞進取家未有不淳然興者不然者各委棄其責任而一望諸家長家長而不賢固闔室爲餓殍藉令賢也而能蔭庇我者幾何即能蔭庇矣而爲人子弟累其父兄使終歲勤動日夕憂勞微特於心不安其毋乃終爲家之索耶今之動輒責政府望賢君相者抑何不恕抑何不智英人有常言曰 That's your mistake. I couldn't help you 譯意言君誤矣吾不能助君也此雖利己主義之鄙言而實鞭策人自治自助之警句也故吾雖日望有賢君相吾尤恐即有賢君相亦愛我而莫能助也何也責望於賢君相者深則自

責望者必淺而此責人不責己望人不望己之惡習即中國所以不能維新之大原也。責人人亦責我我望人人亦望我是四萬萬人遂互消於相責相望之中而國將誰與立也。新民云者非新者一人而新之者又一人也則在吾民之各自新而已。孟子曰子力行之亦以新子之國自新之謂也。新民之謂也。

所謂關於外交者何也。自十六世紀以來約四百年前歐洲所以發達世界所以進步皆由

民族主義 Nationalism 所磅礴衝激而成。民族主義者何。各地同種族同言語同宗教同習俗之人相視如同胞務獨立自治組織完備之政府以謀公益而禦他族是也。此主義發達既極馴至十九世紀之末近二三十年乃更進而為民族帝國主義 National

Imperialism 民族帝國主義者何。其國民之實力充於內而不得不溢於外於是汲汲焉求擴張權力於他地以為我尾闈其下手也或以兵力或以商務或以工業或以教會而一用政策以指揮調護之是也。近者如俄國之經略西伯利亞土耳其德國之經略小亞細亞阿非利加英國之用兵於波亞美國之縣夏威夷掠古巴攘菲律賓皆此新主義之潮流迫之不得不然也。而今也於東方大陸有最大之國最腴之壤最腐敗

之政府。最散弱之國民。彼族一旦窺破內情。於是移其所謂民族帝國主義者。如群蠶之附羶。如萬矢之向的。離然而集注於此。一隅彼俄人之於滿洲。德人之於山東。英人之於揚子江流域。法人之於兩廣。日人之於福建。亦皆此新主義之潮流迫之。不得不然也。

夫所謂民族帝國主義者。與古代之帝國主義迥異。昔者有若亞歷山大。有若查理曼。有若成吉思汗。有若拿破侖。皆嘗抱雄圖。務遠略。欲蹂躪大地。吞并弱亡。雖然。彼則由於一人之雄心。此則由於民族之漲力。彼則爲權威之所役。此則爲時勢之所趨。故彼之侵略。不過一時所謂暴風疾雨。不崇朝而息矣。此之進取。則在久遠。日擄而日大。日入而日深。吾中國不幸而適當此盤渦之中心點。其將何以待之。曰。彼爲一二人之功。名心而來者。吾可以恃一二之英雄。以相敵。彼以民族不得已之勢而來者。非合吾民族全體之能力。必無從抵制也。彼以一時之氣餒驟進者。吾可以鼓一時之血勇。以相防。彼以久遠之政策漸進者。非立百年宏毅之遠猷。必無從倖存也。不見乎瓶水乎。水儻半器。他水即從而入之。若內力能自充塞本器。而無一隙之可乘。他水未有能入者。

也。故今日欲抵當列強之民族帝國主義以挽浩劫而拯生靈惟有我行我民族主義之一策而欲實行民族主義於中國舍新民末由。

今天下莫不憂外患矣。雖然使外而果能爲患則必非一憂之所能了也。夫以民族帝國主義之頑強突進如彼其劇而吾猶商榷於外之果能爲患與否何其愚也。吾以爲患之有無不在外而在內。夫各國固同用此主義也而俄何以不施諸英英何以不施諸德德何以不施諸美歐美諸國何以不施諸日本亦曰有隙與無隙之分而已。人之患瘵者風寒暑溼燥火無一不足以侵之。若血氣強盛膚革充盈者冒風雪犯暴曠衝瘴癘凌波濤何有焉。不自攝生而怨風雪暴曠波濤瘴癘之無情非直彼不任受而我亦豈以善怨而獲免耶。然則爲中國今日計必非恃一時之賢君相而可以弭亂亦非望草野一二英雄崛起而可以圖成必其使吾四萬萬人之民德民智民力皆可與彼相埒則外自不能爲患吾何爲而患之。此其功雖非旦夕可就乎。然孟子有言七年之病求三年之艾苟爲不蓄終身不得今日舍此一事別無善圖甯復可蹉跎蹉跎更數年將有欲求如今日而不可復得者嗚呼我國民可不悚耶可不勗耶。

第三節 釋新民之義

新民云者。非欲吾民盡棄其舊以從人也。新之義有二。一曰。淬厲其所本有而新之。二曰。採補其所本無而新之。二者缺一。時乃無功。先哲之立教也。不外因材而篤與變化氣質之兩途。斯即吾淬厲所固有採補所本無之說也。一人如是。衆民亦然。凡一國之能立於世界。必有其國民獨具之特質。上自道德法律。下至風俗習慣文學美術。皆有一種獨立之精神。祖父傳之子孫。繼之然後群。乃結國。乃成斯實民族主義之根柢源泉也。我同胞能數千年立國於亞洲大陸。必其所具特質有宏。大。高。尙。完。美。釐然異於羣族者。吾人所當保存之。而勿失墜也。雖然。保之云者。非任其自生自長。而漫曰我保之。我保之云爾。譬諸木然。非歲歲有新芽之茁。則其枯可立待。譬諸井然。非息息有新泉之湧。則其涸不移時。夫新芽新泉。豈自外來者耶。舊也。而不得不謂之新。惟其日新。正所以全其舊也。濯之拭之。發其光。晶。鍛之鍊之。成其體。段。培之澆之。厚其本。原。繼。以。增。高。日。征。月。邁。國。民。之。精。神。於。是。乎。保。存。於。是。乎。發。達。世。或。以。守。舊。二。字。爲。一。極。可。厭。之。名。詞。其。然。豈。其。然。哉。吾。所。患。不。在。守。舊。而。患。無。真。能。守。舊。者。真。能。守。舊。者。

何。即。吾。所。謂。淬。厲。其。固。有。而。已。

僅。淬。厲。固。有。而。遂。足。乎。曰。不。然。今。之。世。非。昔。之。世。今。之。人。非。昔。之。人。昔。者。吾。中。國。有。部。民。而。無。國。民。非。不。能。爲。國。民。也。勢。使。然。也。吾。國。夙。巍。然。屹。立。於。大。東。環。列。皆。小。蠻。夷。與。他。方。大。國。未。一。交。通。故。我。民。常。視。其。國。爲。天。下。耳。目。所。接。觸。腦。筋。所。濡。染。聖。哲。所。訓。示。祖。宗。所。遺。傳。皆。使。之。有。可。以。爲。一。箇。人。之。資。格。有。可。以。爲。一。家。人。之。資。格。有。可。以。爲。一。鄉。一。族。人。之。資。格。有。可。以。爲。天。下。人。之。資。格。而。獨。無。可。以。爲。一。國。國。民。之。資。格。夫。國。民。之。資。格。雖。未。必。有。以。遠。優。於。此。數。者。而。以。今。日。列。國。並。立。弱。肉。強。食。優。勝。劣。敗。之。時。代。苟。缺。此。資。格。則。決。無。以。自。立。於。天。壤。故。今。日。不。欲。強。吾。國。則。已。欲。強。吾。國。則。不。可。不。博。考。各。國。民。族。所。以。自。立。之。道。彙。擇。其。長。者。而。取。之。以。補。我。之。所。未。及。今。論。者。於。政。治。學。術。技。藝。皆。莫。不。知。取。人。長。以。補。我。短。矣。而。不。知。民。德。民。智。民。力。實。爲。政。治。學。術。技。藝。之。大。原。不。取。於。此。而。取。於。彼。棄。其。本。而。摹。其。末。是。何。異。見。他。樹。之。蓂。鬱。而。欲。移。其。枝。以。接。我。稿。榦。見。他。井。之。汨。湧。而。欲。汲。其。流。以。實。我。督。源。也。故。採。補。所。本。無。以。新。我。民。之。道。不。可。不。深。長。思。也。

世界上萬事之現象不外兩大主義。一曰保守。二曰進取。人之運用此兩主義者。或偏取甲。或偏取乙。或兩者並起而相衝突。或兩者並存而相調和。偏取其。一。未有能立者。也有衝突。則必有調和。衝突者。調和之先驅也。善調和者。斯為偉大國民。蓋格里撒遜人種是也。譬之。踴步以一足立。以一足行。譬之。拾物以一手握。以一手取。故吾所謂新民者。必非如心醉西風者流。或棄吾數千年之道。總學術風俗。以求伍於他人。亦非如墨守故紙者流。謂僅抱此數千年之道德學術風俗。遂足以立於大地也。

(未完)

駘首本骨肉	天地本比鄰	一髮不可弄
率之動全身	聖者胞與言	夫豈夸大陳
四海變秋氣	一室難為春	宗周若蠢蠢
幾緯燒為塵	所以慷慨士	不得不悲辛
看花憶黃河	對月思西秦	貴官勿三思
以我為紀人		

近世文明初祖二大家之學說

中國之新民

緒言

泰西史家。分數千年之歷史爲上世中世近世三期。所謂近世史者。大率自十五世紀之下半年西歷以耶穌生後一百年爲一世紀以至今日也。近世史與上世中世特異者不一端。而學術之革新。其最著也。有新學術然後有新道德。新政治。新技術。新器物。有是數者。然後有新國。新世界。若是乎新學術之不可以已如是其急也。近世史之新學術亦多矣。日出日精。愈講愈密。其進化之速。不可思議。前賢畏後生。吁其繁滋。雖然。前此數千年之進化。何以如此其遲。後此數百年之進化。何以如此其速。其間必有一關鍵焉。友人侯官嚴幾道常言。「馬丁路得。倍根。笛卡兒。諸賢。實近世之聖人也。不過後人思想薄弱。以謂聖人爲古代所專有之物。故不敢奉以此名耳。」吾深佩其言。蓋爲數百年來。宗教界開一新國土者。實惟馬丁路得。爲數百年來。學術界開一新國土者。實惟倍根與笛卡兒。

願宗教今已屬末法之期。而學術則如旭日升天。方興未艾。然則倍氏笛氏之功之在世界者。正未始有極也。我國屹立泰東。閉關一統。故前此於世界推移之大勢。莫或知之。莫或究之。今則天涯若比鄰矣。我國民置身於全地球激湍盤渦最劇最烈之場。物競天擇。優勝劣敗。苟不自新。何以獲存。新之有道。必自學始。彼夫十六世紀泰西學界。轉捩之一大原。雖以施之今日之中國。吾猶見其適吾用也。故最錄其學說之精華。以供考鑒焉。若其全豹。有原書在。

上篇 倍根 Bacon 實驗派之學說（亦名格物派）

倍根。英國人。生於一千五百六十一年。明嘉靖四十年卒於一千六百二十六年。明天啓六年其時正承十五世紀古學復興 Renaissance 及新教 Protestant 確立之後。學界風潮漸變。雖然。學者猶泥於希臘阿里士多德 Aristotle 拍拉圖 Plato 之科臼。未能自闢途徑。其究也。不免涉於詭辯。陷於空想。及倍根興。然後學問始歸於實際。英人數百年來。汲其流。迄今不衰。故英學先實驗而後理論。倍根者。實英國學界之先驅。又英國學界之代表人也。

倍根以爲人欲求學。只能就造化自然之迹而按驗之。不能憑空自有所創造。若恃其智慧以臆度事理。則智慧即爲迷謬之根原。譬如戴青眼鏡者。所見物一切皆青。戴黃眼鏡者。所見物一切皆黃。一切物果青乎哉。果黃乎哉。常人妄思以謂五官所感觸之外物。一與其物之原形相脗合。不知其相脗合者。吾之精神耳。非物之本質也。此種妄想。爲人性所本有。百般誤謬。由此生焉。

倍根曰。吾人之精神。如凸凹鏡。外物之來照者。或於凸處。或於凹處。於是乎雖同一物。而其所照不同。我之觀察。自不得不有所謬。此爲致誤之第一原因。又五官所接者。非物之本色。而物之假相也。此爲致誤之第二原因。又吾人之體質。各各不同。於是乎同一事物。而人之所見。各各相異。此爲致誤之第三原因。又人與人相處之間。謬見亦常因緣而起。如農夫自有農夫之謬見。工商自有工商之謬見。學士大夫自有學士大夫之謬見。又前人之學說。亦往往爲謬見之胎。蓋凡倡一先生之言者。常如傀儡登場。許多點綴。觀者不察。遂爲所迷。此爲致誤之第四原因。

倍根以爲治此迷因。惟一良法。然非如阿里士多德論理學之三句法也。（按英話

Logic 日本譯之爲論理學。中國舊譯辨學。侯官嚴氏以其近於戰國堅白異同之言。譯爲名學。然此學實與戰國詭辯家言不同。故從日本譯。蓋三句法者。不過語言文字之法耳。既尋得真理而敘述之。則大適於用。若欲由此以考察真理之所存。未見其當也。然則倍根之所謂良法者如何。曰就實事以積經驗而已。

所謂實驗之法何。曰就凡事物諸現象中。分別其常現之象及偶現之象。而求其所以然之故。是爲第一著手。是故人欲求得一真理。當先即一物而頻頻觀察。反覆試驗。作一所謂有無級度之表。以記之。如初則有是事。次則無是事。初則達於甲之級度。次則達於乙之級度。凡是者皆一一考驗記載無所遺。積之既久。而一定理出焉矣。

學者若將研究甲事。而下實驗之功。乃此事未發。而見他現象相繼而起。則當諦思此現象。以何因緣而生乎。或研究乙事。既已得之。而初時所豫料之現象。後乃不起。則當諦思彼現象。以何因緣而滅乎。又或所測之現象。正當發起之頃。而他之諸現象隨之而生。有時而增。有時而減。則當諦思此衆現象。以何因緣而增。以何因緣而減乎。如是屢驗不已。參伍之。錯綜之。捨此取彼。因甲知乙。則必見有一現象。與他現象常相伴而

不可離者。

夫兩箇以上之現象常相依而不可離。是即所謂定理者也。故苟無甲之現象。則乙之現象亦無自而生。如空氣動盪。爲聲之原因。苟無動力。則聲音終不可得傳。空中養氣。爲火之原因。苟無養氣。則火光終不可得燃。若是者。謂之物之定理。人苟能知物之定理。豈復有爲五官所蔽而陷於迷見者乎。

凡一現象之定理。既一旦求而得之。因推之以徧按其同類之現象。必無差謬。其有益謬者。非定理也。何也。事物之理。經萬古而無變者也。此等觀察實驗之功。非特可以研究外物之現象而已。即講求吾人心靈之現象。亦不外是矣。

綜論倍根窮理之方法。不外兩途。一曰物觀。以格物爲一切智慧之根原。凡對於天然界。至尋常至粗淺之事物。無一可以忽略。二曰心觀。當有自主的精神。不可如水母目蝦。倚賴前代經典傳說之語。先入爲主。以自蔽。然後能虛心平氣。以觀察事物。此倍根實驗派學說之大概也。自此說出。一洗從前空想臆測之舊習。而格致實學。乃以驟興。如奈端因萍實墜地而悟吸力之理。瓦特因沸水蒸騰而悟汽機之理。如此類者。更僕

難盡。一皆由用倍根之法。靜觀深思。遂能制器前民。驅役萬物。使盡其用。以成今日文明輝爛之世界。倍氏之功。不亦偉乎。朱子之釋大學也。謂必使學者即凡天下之物。莫不因其已知之理而益窮之。以求致乎其極。至於用力之久。而一旦豁然貫通焉。則衆物之表裏精粗無不到。而吾心之全體大用無不明矣。其論精透圓滿。不讓倍根。但朱子雖能略言其理。而倍根乃能詳言其法。倍根自言之。而自實行之。朱子則雖言之。而其所下工夫。仍是心性空談。倚於虛而不徵諸實。此所以格致新學。不興於中國而興於歐西也。

倍根最不喜推測之學者也。其言曰。「吾之所謂格物學者。在求得衆現象之定理而已。若夫其現象之大本。則屬於庶物原理之學。非吾之所知也。庶物原理之學。所以講求造化主及靈魂之有無。與夫造化主與人類、靈魂與軀殼之關係。此其事太高妙。不可信據。於人事之實際。無裨益焉。置之可也。」倍根其重別理而輕原理。此其所以有遜色於康德斯賓塞諸賢也。雖然。「羅馬非一日之羅馬。」作始者勞最鉅而事最難。不有倍根。安保後此之能有康德斯賓塞哉。

笛卡兒嘗語人曰。一實驗之法。倍根發之無餘蘊矣。雖然。有一難焉。當其將下實驗之前。苟非略窺破一線之定理。懸以爲鵠。而漫然從事於實驗。吾恐其勞而無功也。此言誠當。蓋人欲求得一現象之原因。不可不先懸一推測之說於胸中。而自審曰。此原因果如我之所推測。則必當有某種現象起焉。若其象果屢起而不誤。則我之所推測者是也。若其不相應。則更立他之推測以求之。朱子所謂因其已知之理而益窮之也。故實驗與推測常相隨。棄其一而取其一無有是處。吾知當倍根自從事於試驗之頃。固不能離懸測。但其不以此教人。則論理之缺點也。故原本數學以定物理之說。不能不有待於笛卡兒矣。



詩曰天生蒸民有物有則

子曰知之爲知之不知爲不知是知也

朱子曰蓋人生之靈莫不有知而天下之物莫不有理惟於理有未窮
故其知有不盡也

又曰能求得所以然之故是天下第一等學問

陸象山曰今人如何便解有志須先有知識始得

王陽明曰未能知說善行

國聞短評

顧問大臣勉旃

回鑾後第一新政。即置顧問大臣是也。據日本報章所記。置顧問議長一人。副議長一人。顧問大臣十人。議長慶親王。副議長肅親王。大臣則榮祿也。王文韶也。袁世凱也。崑岡也。敬信也。崇禮也。鹿傳霖也。那桐也。瞿鴻禨也。孫家鼐也。凡滿員七人。漢員五人。西人所疑爲國匪元兇者三人。屢掌文衡者三人。曾任封疆者五人。他日中國所謂維新之政者。皆將於此是賴矣。袞袞諸公。其有以解宵旰。厲精之憂。慰國民望治之心乎。

北京掠奪事件

聯軍之役。各國兵隊野蠻暴掠。無所不至。凡北來者皆能言之。其中俄兵最甚。法次之。日本兵紀律最嚴。此天下之公評也。乃近者日本各報歷載當時其軍隊在北京掠奪情形。千口一詞。其中有萬朝報者言之尤詳。自兩月以前起。用小說章回體日載一回。至今已六十餘回。尙未完畢。其中所言皆鑿鑿有據。歷歷如繪。其牽引達官身上者亦

甚多焉。聞將提出議院議其處分云。此中消息真質。外人雖未知其詳。然必非憑空結撰。有斷然者。果爾則所謂文明所謂紀律亦安在耶。西哲常言。兩不平等者相遇。無所謂道理。權力即道理也。日本人能不自諱其短。而羣起匡正之。猶不失爲國民自重之概。若我國人倚賴甲國崇拜乙國之癡想。斯亦不可以已乎。

奧國人種之爭

奧大利國以數種宗教不同語言不同之民族。聯結而成。其中最有力者。爲斯拉夫種。即奧國主權者。匈牙利種。波埃米亞種。德意志種。之四者。是以其國內軋轢紛爭。既數十年。自匈牙利別立政府以後。風潮稍平。而德意志種波埃米亞種之爭。近年益甚。現當開議會時。兩種人各爭其國語之獨立。閥閥殊甚。開議六禮拜。尙未移於第二議會。政府大臣焦慮萬狀云。十九世紀以後。民族主義。磅礴于全世界。各民族之自求獨立。殆勢所必至。理有固然。奧國之前途。有識者頗爲寒心也。

富者好行其德

美國前既將彼軍士在北京所掠奪之銀三百餘萬兩交還中國。近日復將賠款額內

應得之一千八百萬美金（即二千六百萬兩）一律豁免。或疑美政府前者何以要求如許之多。後此何以豁免如此之易。紐約某新聞紙曾辨明之云。吾美政府初時見列國所需索之軍費。實溢於其所損害之外。驚其不廉。當時我政府欲調停其間。使以二萬萬美金了結。然列國不肯讓。初索四萬萬美金。卒減至三萬萬一千五百萬。（即中國四萬萬五千萬兩）當時吾美持之無益。不如亦隨之橫索。然後以返之中國。以輕其負擔云云。美國之出此手段者。殆以國富之故。能有餘力以好行其德歟。抑亦有所大利於後。將欲取而必先與歟。雖然。就事論事。則美國誠不愧爲東方君子國矣。

勿反客爲主

中國今日欲行新政。而人才不足。則其始不得不借用客卿。此亦不得已之計也。近日袁世凱奏請於政務處置外國顧問員。吾亦無以易其說。獨可怪者。其建議於數強國中。每國聘一人。此中方略。吾輩百思而不得其解者也。夫聘客卿之權。操自我。我欲用某國某人。我之自由也。今而曰。一國一人。然則所以聘之者。非因其人。因其國也。即其主動力者。非我國而彼國也。寢假將如聶士成軍中之洋操教習。非有俄皇之命。不能

易矣。寢假將如稅務司赫德由英國立約擔保永不許換他國人矣。埃及前事可爲殷鑒。將以此媚列強耶。吾未見以主權媚人者也。建議者其三思之。

殆非以防家賊乎

中國欲實行內治。莫要於設警察。此議近時多能言之者。前陳寶箴撫湘時。黃遵憲首建此議。行之於長沙。名曰保衛局。民甚便之。後李鴻章督粵。黃遵憲復陳此事爲弭盜第一義。行之於廣州。業未竟而鴻章去。遂中輟。自聯軍入京。暨地分治。布行民政。於是都中人始覺警察之政。法良意美。慶親王乃議行之於全國。聘請日本人川島浪速經理此事。先開一警務學堂。招學生五百人。其學期則初等科三箇月。中等科一箇月。高等科兩箇月。共半年卒業云。其經費則每年六萬元也。聞學生中旗人居大半云。又兩月前由北京特派二十七人往日本東京學警察。皆旗人也。警察一端。本爲最急之政務。然苟用之不得其當。亦常有擾民滋亂者。十九世紀前期歐洲各國之革命。半起於是。今慶王旣知此舉爲當務之急矣。其專重旗人。度亦不過擊爾所知之義。非必有意於其間乎。而日本報章已竊竊議之曰。是防家賊手段。吾望慶王一雪此言也。

中國近事

◎兩宮召見情形 當兩宮回京時。太后自入正陽門便哭。直哭入大內。文武大小臣工以次召見。太后云。去歲之亂。皆因我誤聽人言。以致上危宗社。下害生靈。至于棄却爾等而去。非我本意也。言罷。大放哭聲。殿上殿下。同聲爲之一痛。悲止。又曰。我與汝等皆從憂患中更生。不容須臾忘也。此次歸來。要勵精圖治。但我年已衰頹。汝等相助爲理。當興者興。當革者革。破除一切情面。勿狃于往日之積習。而圖目前之苟安。戒之戒之。嗣後每召見臣工。必哭。臣工除痛哭外。無敢發一言進一策者。某日召見滿漢御史。言及去歲之亂。歸咎于端剛。忽有某御史率爾對曰。剛毅爲國而死。也算得大清忠臣。太后默然良久。曰。我年近古稀。精神大不及曩日。擬與中外臣工參酌應行事宜。俟政務稍見就緒。便退處深宮。聽皇帝自爲之矣。

◎召見使臣 十二月十三日。皇上召見各國使臣。各公使朝見時。均以國書呈遞。并依照和議大綱所定章程。在乾清宮覲見。各公使與參贊等。由大清門入紫禁城。乘坐

大轎至午門而止。由午門再換肩輿。直至宮門。各公使夫人以二十三日召見。其時太后感極。流涕歔歔。皇后亦在座陪宴。太后并贈賜各公使夫人以珍寶等物。

◎太后知悔 太后在西安時。每對人言。或對皇上言。皆曰。此事不必說。皆是吾二人之過也。比入京召見臣工。則曰。此我一人之過。與在西安時不同。

◎會議俄約 十二月十二日。兩全權訪俄使開議俄約。王云。兩宮以此約宜從容商定。不可貽後日患。及啓各國之忌。俄使云。現在四款與前相李氏議減再四。一切皆從貴國之意。可即畫押。無須再行開議。王云。本大臣初到京師。李相會議之事。概未與聞。俄使云。中堂既在政府。李相所議。焉有不知之理。王云。李所議乃草約。不得據爲定議。本大臣即欲照此定約。其如朝旨及各國不允何。俄使謂此中俄兩國交涉之事。何與他國。中堂之意。果爲中國計乎。抑爲各國計乎。王云。此事雖中俄兩國交涉之事。然關係全局。各國自不能無辭。願貴公使從容商定。祇須毫無窒礙。本大臣決不固執。俄使乃謂慶王曰。王爺前允俟河南回京即定約。今爲時已久。何尙未定。慶曰。本王深盼即定。其如練兵交路款中。附款殊多。妨碍國體。兩宮亦不謂然。臣下不敢據定。刻下願將

前約議刪附款。本王當與王中堂請旨酌定。言至此。俄使不悅。舉茶向慶王曰。請王翁與中堂會商既定再來會議可也。

◎奏請歸政 慶王嘗面奏太后。謂在京英日各公使極敬皇上。必欲一觀皇上親政。籲懇太后即行歸政。以順輿情。

◎懼防各國 京師自午門至天安門。袁世凱之軍五營。分段駐紮。張勳爲總統。又分統四人。每日駕往太廟及各壇。此軍必隨之。在豹尾班後。兼奏軍樂。必俟午門閉後。乃行收隊。又宋軍亦已調回京師。分屯城內。蓋皆所以防各國也。太后畏各國之心可知矣。

◎大阿哥廢黜之由 大阿哥溥儀被廢。聞非太后之本意。係慶親王李鴻章袁世凱三人力請太后速行罷黜。三人者太后所最信任。是以不得不從其請。

◎公攝保獎 留京辦事王大臣。因去歲未出京各員。于充鋒冒鎬之際。仍復極力從公。實屬勇于盡職。現在公同商約。擬將初立辦事處時。首先報到者。列爲優等。至柏靈寺當差各員。皆照異常勞績列叙。

◎設計除董 一日太后詰榮祿云。董福祥與端勾結。當何以處之。榮乃令某觀察先行設法去其兵而後圖之。某觀察者與董舊爲莫逆交也。往謁董。董疑其圖已也。勿之見。後因某營官先容。乃見董曰。去年之事。非我所主持。且端王屢嗾我反。我已屢却之。我實不負朝廷。朝廷但留我殘生。雖終身不用可也。某觀察曰。聖德如天。公毋他慮。但國債日增。爾果不負朝廷。何不自前裁去兵廿營。董其時尙帶有二十八營一則免人三疑。二則替國家節經費。朝廷必喜。且我可保公無事。董首肯。然兵裁後則必不免矣。

◎會奏誅董 袁世凱與劉張二督聯銜上摺請誅董福祥。袁署首名。摺上之後。袁復面奏武臣誤國。宜垂正典刑。以快人心。太后聞之。不語。袁曰。爲太后皇上計。不可不誅董。爲宗廟社稷計。尤不可不誅董。現已有密旨令陝西巡撫崧蕃相機行事。

◎俄使行賄 俄使以榮祿不爲己援。用是賄囑李蓮英。告以若能勸服太后。仍照前全權大臣李鴻章所議定之滿洲條約批准。俄當贈銀一千萬兩。以酬其勞。以後每年並當送銀一百萬兩以謝之。

◎榮祿權盛 軍機大臣向例有王爺爲領班。太后欲令禮親王爲之。榮祿阻之。又以

慶王無肩任之才。故軍機領班。仍是榮祿。又榮祿之女。太后已指定與醇王爲妻。榮祿之權。比前更大矣。

◎請黜榮祿 英公使前請將榮祿罷黜。太后特密遣袁世凱婉告英使。以榮祿並無不良之舉。該使儘可勿慮。但英使堅持前議。擬俟召見之日。再行當面參劾。

◎索辦罪員名單 近日各國駐京欽使照會中國政府。請將去年曾助端王附和義和團匪各員。嚴爲懲辦。各罪員銜名列下。一兵部侍郎貽穀。因僞傳上諭。致盛京都統晉昌與俄人開仗。一軍機處章京連文冲。因僞傳上諭。命華兵攻擊天津租界。並圍攻北京使館。一內閣學士蕭榮爵。曾助連文冲妄擬僞諭。一內閣學士高慶恩。與徐樹勳爲一氣。一候補知府黃鳴岐。曾充義和團老師。一吏部主事洪嘉興。曾勸端王登九五之位。及焚燒使館教堂。一刑部主事夏振武。曾助洪嘉興爲惡。一溥良。曾上摺請殺許景澄等。一內閣學士檀璣。曾助溥良爲惡。一湖北候補道黃嗣東。因請于蔭霖攻殺漢口之洋人。一內閣學士胡祖蔭。俞鴻慶二人。曾帶領拳匪頭目二十餘名至湖南擬攻劫岳州租界。一刑部主事郭宗照。吏部主事葉德輝等。

曾助胡祖蔭為惡。一候補道張祖同學士孔憲教等。曾助胡祖蔭為惡。以上各員。以貽穀連文冲二人為罪魁。

◎貽穀倖免 貽穀為某中堂最得意之私人。一切陰謀。皆彼主持。某日已擬定革職

之諭。尙未交發。彼乃哀求某中堂。乃將其名抽出。易以彭青藜代之。按彭雖係義和團。然乃無名小輩。各國所聞名

單未列其名。某中堂將彼革職者。以便告各國云。政府秉公以斷。雖各國未索之人。亦照公法辦去。足見朝廷公允之意。 貽穀頃乃上摺請往嘉峪關外蒙古地

方開礦。按此礦前經胡苞生中丞奏開。苗極旺。嗣以辦理未善。中止。 摺中有云。臣子日擊時艱。自當竭盡駑力。以求富國

之計等語。真巧于避禍矣。

◎增練軍隊 袁世凱擬將陸軍增練十萬人。合作一軍。俾成勁旅。業已具摺入奏。俄

德兩國均願派員代練該軍。袁則擬聘用日本武員。皇上亦以該議為然。

◎整頓海軍 袁世凱奏請每年籌款一百十萬兩。整頓北洋海軍。現葉軍門已奉命

在烟台審度地方。以備其用。來春各兵艦即可會齊。

◎建立學堂 北京城內擬設立左右翼學堂。派那桐管理。又新設八旗工藝學堂。已

派肅親王為督辦。

◎派充要職 北方各處鐵路。頃簡派袁世凱爲督辦。胡燏棻爲稱辦。實則但歸胡一人經理。王文韶亦已奉派爲督辦路礦事務。副之者乃張翼也。

◎派充管學 張百熙派充爲管理京師大學堂。同文館隸外務部已三十五年。其經費向由海關撥解。茲亦歸併大學堂。以期劃一。

◎簡派專使 政府本定簡肅王爲專使赴英賀英皇加冕之禮。嗣因不能分身。是以另派慶王世子溥振爲代。

◎藉慰忠魂 袁利徐用儀許景澄立山聯元五人。因義和團事而被刑于菜市。去年曾有上諭昭雪其冤。并開復原官。茲復令王大臣查其子嗣將與恤典。且立專祠。並與謚法。蓋以掩各國人之耳目也。

◎諭令進京 頃有旨令劉坤一張之洞兩總督北上。劉坤一着其于白河解冰後起行。張之洞着其俟劉坤一歸任後起行。

◎擬逐東撫 山東巡撫張人駿抵任之後。每與該省西人不甚愜洽。頃德人已電外務部。不要彼在山東爲巡撫。

◎意使索地 頃意國公使到外務部與慶王會議。索租三門灣之地。

◎奏請派員 商務大臣盛宣懷。頃因政躬不豫。不能躬親辦事。于日前電請政府。另派他員辦理條約事宜。

◎商約條目 盛宣懷氏與英使會議商約。已有數次。所議共有十四款。(一)進口稅則。(二)出口稅則。(三)鐵路。(四)內地行船。(五)洋人長住內地查探商務。(六)開礦事宜。(七)裁釐金。(八)重訂新衙門章程。(九)鑄造銀錢以歸劃一。(十)各洋行內招華股東新章。(十一)增廣棧房以便多存貨物。(十二)已進口之貨重運出口章程。(十三)領回半稅新章。(十四)特設一局俾可了結洋商與海關辨駁情事。

◎電傳要論 二十五日北京來電云。現發上諭許滿漢通婚。令婦人不纏足。又命宗室及各大員子弟出洋遊學。榮祿上表乞休。上諭言為朝廷所親任。不允之。

海外彙報

去年泰西大事記

西歷一千九百一十一年

一月一日澳洲聯邦政府成

十二日普國提出運河法案於議會

十五日法國提出結社法案於議院

十八日普國舉行立國二百年祝典於柏林

廿二日英女皇域多利亞崩。翌日太子即皇帝位。

廿六日俄皇自黎威亞渣還幸聖彼得堡。

二月六日意大利政府大臣沙拉哥等辭職。越六日新政府成。

七日荷蘭女王與日耳曼公爵亨利結婚。

十五日塞爾維亞前王穆郎卒。

同日英國議會開會。新皇臨幸。

同日俄國商船公司始通航于阿的沙與波斯灣之間。

美國政府加抽俄國砂糖入口稅。每磅約一仙。俄國亦加抽美國入口之鋼鐵及各種機器。約增前率十之三以報之。

十六日德國大將威爾的應俄皇之招赴聖彼得堡。

三月二日英皇咄活第七歸英國。

四日美國大統領麥堅尼復任。舉行就任典禮於華盛頓。

六日德皇出游。有狂人以鐵片狙擊之。傷左頰。

八日英國提出擴充陸軍案於議會。

同日意大利議會討論外交問題於德奧意三國聯盟之局持久與否。為歐洲政海所屬目。

十一日英國駐美公使行文外部。言美國改正之運河條約。英國所以不能贊成之故。

十五日德國議會議東方用兵之軍費。首相祕羅氏聲言滿洲事件在英德協商

範國外故德國對此問題確守中立不輕干預。

十七日俄國學生暴動事起其原因由俄國正教會擯斥拖爾斯拖伯。於是學生數千大憤激。揭自由革命之赤幟。發一檄文。內皆掃除民賊。自由萬歲等語。勢極洶洶。禁兵馬上警察兵等與學生大衝突。學生之被逮者七百六十名。是日紅十字會出隊救援。儼然有戰場之觀。

廿二日正教會之幹事長爲學生所狙擊。司法大臣內務大臣陸軍大臣皆得學生威脅之檄。事機益急。俄皇乃開御前會議于宮中。卒收回學生充軍之成命。而議設法改定大學制度。

四月英國議院准決砂糖入口煤炭出口收稅之案。

二日德國宰相與意國宰相會於比羅拿驛站。

九日法國政府議長盧梭游歷意大利訪其艦隊。

十四日德國政府皇太子游奧京維也納官民皆熱心歡迎之。

廿二日法國外務大臣往聖彼得堡。

五月十六日英國議院准決增軍案。

十八日德皇觀兵於蔑訾以賀俄皇誕辰。俄使陪輦焉。法人有違言。謂俄法同盟。而俄皇乃遣使臣陪侍。蒐兵於德國所割法地之區。兩國交誼。不無少傷。

廿二日法人借與俄國國債四萬二千四百萬佛郎。

廿五日奧大利外務大臣臨赴匈牙利之協會。演說東歐外交之方略。

六月四日德國宰相召集各聯邦之代表人於伯林議關稅事。

六日摩絡哥國使節入倫敦。

十四日意大利外務大臣在議院演說外交方針。凡兩點餘鐘。其言極緻密。

十六日俾士麥石像成。德皇及皇后以至舉國貴官皆臨幸。舉祝典。宰相祕羅立於露天爲長演說以頌俾公功德。

七月三日法國政府將所有與中國交涉事件之黃皮書提出於議會。

七日摩絡哥使節經法國入德國謁見德皇。

德國政府以改定稅則章程發布之於北德意志報。

六日德國前宰相阿肯羅卒。年八十二。

十日俄國公爵亞力山大率海軍艦隊以訪布加利亞國王於黑海海岸之離宮。

十四日德國與意國定界約於紅海南口之地。

十七日英國自由黨前總理沙士勃雷致書於本黨。謂其對於英杜戰爭。辦理不善。

廿六日英國自由黨首領查理士格黎二氏。在下議院詰問政府辦理中國交涉各條。攻擊其政策。

是月德國以優先權奪取西班牙屬之科埃能坡島。島在亞非利加西岸。與德國卡迷之地相鄰。產椰子及珈琲。

八月英國啓彌兒將軍以南非總督之資布告波亞人。謂若逾九月十五日猶不降服。則將竄放其種落於他地。永不得住于南非。

英國派遠征隊于亞丁附近地方。

五日德國皇太后崩。年六十一。

十一月意大利建國元勳格里士比卒。年八十二。國王發極懇摯之電文以弔之。廿六日法國駐土公使下旗歸國。因法人欲自以資本開設船澳公司於土耳其。兩國政府議論不合故也。

九月六日美國大統領麥堅尼臨於博覽會。被無政府黨人所狙擊。以十三日卒。去副總統領羅斯維繼爲大統領。

土耳其派陸兵三萬於巴梭拉。欲據苛威。英國調集兵船於波斯灣。以防止之。歐洲耳目大爲聳動。

英皇及皇后行幸丁抹。時俄皇及其后亦在焉。屢以家人禮相會合。

十一日俄皇行幸丹極。觀德國海操。旬留三日。與德皇相會數次。

十七日華俄銀行開售蘆漢鐵路股份票於伯林。

十八日俄皇及皇后行幸德國。法大統領出迎於宕卡港。登岸後在市會議堂交相演說。遂同乘汽車以入康皮。

廿一日俄皇與法大統領觀兵於畢尼。交相演說。散會後俄皇歸國。

廿八日阿富汗王亞布打拉們薨。太子嗣立。

十月廿四日英宰相沙士勃雷蒙召自阿普士休沐地歸倫敦。蓋英皇欲於加冕以前了結南非洲戰事。特召與商議云。

廿五日英國理藩大臣張伯倫氏在埃毡巴拉地方演說。引普法戰事前例以解釋英人在南非之野蠻舉動。德國輿論大為不平。

德國新稅則頒行。列國反對之議囂囂。德相極為狼狽。

十一月德國民間財政益困難。沙格梭尼之大鐵廠倒閉。

十一日土耳其皇帝將法國要挾各事一概允許。法土之交如初。

十五日美國各大鐵路公司聯合成。

十六日德國聯邦會議准決新稅則案。

廿四日德國駐英公使赫非兒卒。赫氏者德之老外交家也。

十二月四日美國新大統領下教書聲言一遵前統領之政策。

七日美國與英國結立運河條約公布之。

十日俄國聲言德國新稅則若施行。則俄國必有以報復。
 同日澳洲聯邦議院准決限禁外國人入口之案。
 二十三日智利與亞爾然丁因界約起釁。
 美國戶部大臣倪智辭職。以施岳氏代之。

挽弓當挽強
 射人先射馬
 殺人亦有限
 苟能制侵凌

用箭當用長
 禽賊先禽王
 立國自有疆
 豈在多殺傷

史傳

新史學

中國之新民

第一章 中國之舊史學

於今日泰西通行諸學科中。為中國所固有者。惟史學。史學者學問之最博大而最切要者也。國民之明鏡也。愛國心之源泉也。今日歐洲民族主義所以發達。列國所以日進文明。史學之功居其半焉。然則但患其國之無茲學耳。苟其有之。則國民安有不團結。羣治安有不進化者。雖然。我國茲學之盛如彼。而其現象如此。則又何也。今請舉中國史學之派別。表示之而略論之。

第一 正史

(甲) 官書 所謂二十四史是也。

(乙) 別史 如華嶠後漢書、習鑿齒蜀漢春秋、十六國春秋、

華陽國志、元秘史等。其實皆正史體也。

史學

第二。編年。資治通鑑等是也。

第三。紀事本末。

(甲)通體 如通鑑紀事本末、繹史等是也。
(乙)別體 如平定某某方略、三案始末等是也。

第四。政書。

(甲)通體 如通典、文獻通考等是也。
(乙)別體 如唐開元禮、大清會典、大清通禮等是也。
(丙)小紀 如漢官儀等是也。

第五。雜史。

(甲)綜記 如國語、戰國策等是也。
(乙)瑣記 如世說新語、唐代叢書、明季稗史等是也。
(丙)詔令奏議 四庫另列一門。其實雜史耳。

第六。傳記。

(甲)通體 如滿漢名臣傳、國朝先正事略等是也。
(乙)別體 如某帝實錄、某人年譜等是也。

第七。地志。

(甲)通體 如各省通志、天下郡國利病書等是也。
(乙)別體 如紀行等書是也。

第八。學史。如明儒學案、國朝漢學師承記等是也。

第九。史論。
(甲)理論 如史通、文史通義等是也。
(乙)事論 如歷代史論、讀通鑑論等是也。

(丙)雜論 如廿二史劄記、十七史商榷等是也。

(甲)外史 如西域圖考、職方外紀等是也。

第十。附庸。
(乙)考據 如禹貢圖考等是也。

(丙)注釋 如裴松之三國志注等是也。

都為十種二十二類

試一緝四庫之書。其汗牛充棟。浩如烟海者。非史學書居十六七乎。上自太史公。班孟堅。下至畢秋帆。趙甌北。以史家名者。不下數百。茲學之發達。二千年於茲矣。然而陳陳相因。一邱之貉。未聞有能為史界闢一新天地。而令茲學之功德。普及於國民者。何也。吾推其病源。有四端焉。
一曰。知有朝廷。而不知有國家。吾黨常言。二十四史。非史也。二十四姓之家譜而已。

其言似稍過當。然按之作史者之精神。其實際固不謬也。吾國史家。以爲天下者。君主一人之天下。故其爲史也。不過叙某朝以何而得之。以何而治之。以何而失之而已。舍此則非所聞也。昔人謂左傳爲相斫書。豈惟左傳。若二十四史。真可謂地球上空前絕後之一大相斫書也。雖以司馬溫公之賢。其作通鑑。亦不過以備君王之瀏覽。其論語無一非忠告君主者蓋從來作史者。皆爲朝廷上之君若臣而作。曾無有一書爲國民而作者也。其大蔽在不知朝廷與國家之分別。以爲舍朝廷外無國家。於是乎有所謂正統開統之爭論。有所謂鼎革前後之筆法。如歐陽之新五代史。朱子之通鑑綱目等。今日盜賊明日聖神。甲也。天命乙也。僭逆。正如羣蛆啄矢。爭其甘苦。狙公餽狙。辨其四三。自欺欺人。莫此爲甚。吾中國國家思想。至今不能興起者。數千年之史家。豈能辭其咎耶。

二曰。知有箇人而不知有羣體。歷史者。英雄之舞臺也。舍英雄幾無歷史。雖秦西長史。亦豈能不置重於人物哉。雖然。善爲史者。以人物爲歷史之材料。不聞以歷史爲人物之畫像。以人物爲時代之代表。不聞以時代爲人物之附屬。中國之史。則本紀列傳。一篇一篇。如海岸之石。亂堆錯落。質而言之。則合無數之墓志銘而成者耳。夫所貴乎

史者貴其能叙一群人相交涉相競爭相團結之道能述一群人所以休養生息同體進化之狀使後之讀者愛其群善其群之心油然而生焉今史家多於鯽魚而未聞有一人之眼光能見及此者此我國民之羣力羣智羣德所以永不發生而羣體終不成立也。

三曰知有陳迹而不知有今務。凡著書貴宗旨作史者將爲若干之陳死人作紀念碑耶爲若干之過去事作歌舞劇耶殆非也。將使今世之人鑑之裁之以爲經世之用也。故泰西之史愈近世則記載愈詳中國不然非鼎革之後則一朝之史不能出現又不惟正史而已即各體莫不皆然。故溫公通鑑亦起戰國而終五代果如是也。復其朝自今以往永不易姓則史不其中絕乎使如日本之數千年一系豈不並史之爲物而無之乎。太史公作史記直至今上本紀且其記述不少隱諱焉。史家之天職然也。後世專制政體日以進步民氣學風日以腐敗其末流遂極於今日。推病根所從起實由認歷史爲朝廷所專有物。舍朝廷外無可記載故也。不然則雖有忌諱於朝廷而民間之事其可紀者不亦多多乎。何並此而無也。今日我輩欲研究二百六十八年以來之事

實。竟無一書可憑藉。非官牘鋪張循例之言。則口碑影響疑似之說耳。時或藉外國人之著述。窺其片鱗殘甲。然甲國人論乙國之事。例固百不得一。况吾國之向閉關不與人通者耶。於是乎吾輩乃窮語曰。知古而不知今。謂之陸沈。夫陸沈我國民之罪。史家實尸之矣。

四。曰。知有事實而不知有理想。人身者。合四十餘種原質而成者也。合眼耳鼻舌手足臟腑皮毛筋絡骨節血輪精管無一不備。若是者。可謂之人乎。必不可。何則。無其精神也。史之精神。維何曰理想。是已。大羣之中。有小羣。大時代之中。有小時代。而羣與羣之相際。時代與時代之相續。其間有消息焉。有原理焉。作史者。苟能勘破之。知其以若彼之因。故生若此之果。鑑既往之大例。示將來之風潮。然後其書乃有益於世界。今中國之史。但杲然曰。某日有甲事。某日有乙事。至其事之何以生。其遠因何在。近因何在。莫能言也。其事之影響於他事。或他日者。若何當得善果。當得惡果。莫能言也。故汗牛充棟之史書。皆如蠟人院之偶像。毫無生氣。讀之徒費腦力。是中國之史。非益民智

之具。而耗民智之具也。

以上四者。實數千年史家學識之程度也。緣此四蔽。復生二病。

其一。能鋪敘而不能別裁。英儒斯賓塞曰。『或有告者曰。鄰家之貓。昨日產一子。以

云事實。誠事實也。然誰不知為無用之事實乎。何也。以其與他事毫無干涉。於吾人生

活上之行為毫無影響也。然歷史上之事蹟。其類是者正多。能推此例以讀書觀萬物。

則思過半矣。』此斯氏教人以作史讀史之方也。泰西舊史家固不免之。而中國殆更甚

焉。某日日食也。某日地震也。某日册封皇子也。某日某大臣死也。某日有其詔書也。滿

紙填塞。皆此等鄰貓生子之事實。往往有讀盡一卷而無一語有入腦之價值者。就中

如通鑑一書。屬稿十九年。別擇最稱精善。然今日以讀西史之眼讀之。覺其有用者亦

不過十之二三耳。通鑑載奏議最多。蓋此書專為格君而作也。吾輩今日讀之。實嫌其冗。其他更何論焉。至如新五代史之類。以

別裁自命。實則將大事皆刪去。而惟存鄰貓生子等語。其可厭不更甚耶。故今日欲治

中國史學。真有無從下手之慨。二十四史也。九通也。通鑑續通鑑也。大清會典大清通

禮也。十朝實錄十朝聖訓也。此等書皆萬不可不讀。不讀其一。則罅漏正多。然盡此數

書而讀之。日讀十卷。已非三、四、十年不爲功矣。况僅讀此數書。而決不能足用。勢不可不於前所列十種二十二類者。一一涉獵之。雜史傳志割記等所載常有有用過於正史者何則人彼等常載民間風俗不似正史專爲帝王作家語也壽幾何。何以堪此。故吾中國史學智識之不能普及。皆由無一善別裁之良史故也。其二能因襲而不能創作。中國萬事。皆取述而不作主義。而史學其一端也。細數二千年來史家。其稍有創作之才者。惟六人。一曰太史公。誠史界之造物主也。其書亦常有國民思想。如項羽而列諸本紀。孔子陳涉而列諸世家。儒林游俠刺客貨殖而爲之列傳。皆有深意存焉。其爲立傳者。大率皆於時代極有關係之人也。而後世之效顰者。則胡爲也。二曰杜君卿。通典之作。不紀事而紀制度。制度於國民全體之關係。有重於事焉者也。前此所無而杜創之。雖其完備不及通考。然創作之功。馬何敢望杜耶。三曰鄭漁仲。夾漈之史識。卓絕千古。而史才不足以稱之。其通志二十略。以論斷爲主。以記述爲輔。實爲中國史界放一光明也。惜其爲太史公範圍所困。以紀傳十之七八。填綴全書。支牀疊屋。爲大體玷。四曰司馬溫公。通鑑亦天地一大文也。其結構之宏偉。其取材之豐贍。使後世有欲著通史者。勢不能不據爲藍本。而至今卒未有能逾之者焉。溫

公亦偉人哉。五曰袁樞。今日西史大率皆紀事本末之體也。而此體在中國實惟袁樞創之。其功在史界者亦不少。但其著通鑑紀事本末也。非有見於事與事之相聯屬。而欲求其原因結果也。不過爲讀通鑑之方便法門。著此以代抄錄云爾。雖爲創作。實則無意識之創作。故其書不過爲通鑑之一附庸。不能使學者讀之有特別之益也。六曰黃梨洲。黃梨洲著明儒學案。史家未曾有之盛業也。中國數千年。惟有政治史。而其他一無所聞。梨洲乃創爲學史之格。使後人能師其意。則中國文學史可作也。中國種族史可作也。中國財富史可作也。中國宗教史可作也。諸類此者。其數何限。梨洲既成明儒學案。復爲宋元學案。未成而卒。使假以十年。或且有漢唐學案。周秦學案之宏著。未可料也。梨洲誠我國思想界之雄也。若夫此六君子以外。袁樞實不能在此列則皆所謂公等碌碌。因人成事。史記以後。而二十一部。皆刻畫史記。通典以後。而八部。皆摹仿通典。何其奴隸性。至於此甚耶。若琴瑟之專聲。誰能聽之。以故每一讀輒惟恐臥。而思想所以不進也。

合此六弊。其所貽讀者之惡果。厥有三端。一曰難讀。浩如烟海。窮年莫殫。前旣言之矣。

二日難別擇。即使有暇日。有耐性。徧讀應讀之書。而苟非有極敏之眼光。極高之學識。不能別擇其某條有用。某條無用。徒枉費時日腦力。三日無感觸。雖盡讀全史。而曾無有足以激厲其愛國之心。團結其合羣之力。以應今日之時勢。而立於萬國者。然則吾中國史學。外貌雖極發達。而不能如歐美各國民之實受其益也。職此之由。今日欲提倡民族主義。使我四萬萬同胞。強立於此優勝劣敗之世界乎。則本國史學。一科實爲無老無幼。無男無女。無智無愚。無賢無不肖。所皆當從事視之。如渴飲飢食。一刻不容緩者也。然徧覽乙庫中數十萬卷之著錄。其資格可以養吾所欲給吾所求者。殆無一焉。嗚呼。史界革命不起。則吾國遂不可救。悠悠萬事。惟此爲大。新史學之著。吾豈好異哉。吾不得已也。

余既滋蘭之九畹兮

又樹蕙之百畝

畦留夷與揭車兮

雜杜蘅與芳芷

冀枝葉之峻茂兮

願俟時乎吾將刈

雖恭絕其亦何傷兮

哀衆芳之蕪穢

地理

地理與文明之關係

中國之新民

程子謂讀書爲玩物喪志此語在今日幾於爲世詬病矣雖然今之學者其能免於此四字之誚者幾人哉舊學之訓詁家金石家詞章家不必論矣即今所謂涉獵新學研究西書者亦大率取其形質遺其精神若是則雖博士多於腳而於國民之進步無當也吾恐中學之入股家考據家去而西學之入股家考據家又將來矣是以本報微論諸學恒取其於精神上有所關係者欲讀者因之而悟讀書致用之法不至爲程子之所阿地理學者諸學科之基礎而學校所不可缺者也今集譯東西諸大家學說言地理與文明之關係者草爲是篇爲學位之一助云爾

詩曰。天生蒸民。有物有則。則者何。因果之謂也。觀乙果可以知甲因。觀乙因可以推丙果。苟持此法以研究天下事物。則能得其公例之所在。有通其一萬事舉之樂。不特此也。既知其果之所必至。又知其果之所從來。則常能造善因以補助之。使其結果日趨於至善。學術之有助於進化。其功在是。

世界文明之原因。其所由來甚複雜。固非可僅以一學科之理論而證明之者也。雖然。以地理學者之眼觀之。亦有可以見其一斑者。今略論如下。

均是土地也。均是人類也。而文明程度之高下。發達之遲速。莫或相等者何也。英儒洛克曰。地理與歷史之關係。一如肉體之與精神。有健全之肉體。然後活潑之精神生焉。有適宜之地理。然後文明之歷史出焉。寒帶熱帶之地。其人不能進化者何也。人之腦力體力爲天然力所束縛。而不能發達也。管子曰。倉廩實而知禮節。衣食足而知榮辱。亞里士多德曰。人必能自養其欲。自給其求。然後高尚之思想事業。乃起焉。極寒極熱之地。其人窮日之力。以應付天然界之洊迫。猶且不給。以故文明之歷史。獨起於溫帶。北半球之大陸三。曰亞細亞。曰歐羅巴。曰北亞美利加。南半球之大陸亦三。曰澳大利亞。曰阿非利加。曰南亞美利加。北三陸皆廣大。合計方二千二百五十萬英方里有奇。南三陸皆狹小。合計一千六百五十萬英方里有奇。北陸之地勢甚複雜。多港灣。多內海。如地中海黑海等皆謂之內海多半島。半島者三面連於陸一面突出于海者也多附屬之島嶼。其地面之複雜。亦與相應。有山脉。有高原。有平地。有河流。而三陸相互之位置。亦便於交通。南陸則不然。其地勢甚單

純。灣港內海半島羣嶼皆極少。且位置各遠隔。交通不便。又北陸皆位於溫帶。南陸皆位於熱帶。使人類而與物類等也。則南陸之適宜。當過於北。何也。動植物往往自南北極而進於中帶。自中帶而進于熱帶。愈進而愈繁殖。故動植物全盛之世界。在於南半球。實天演之公例也。惟人類則反於此公例。何也。人類所以進化者。不徒恃物質上之勢力而已。而並恃精神上之勢力。故物類之爭生存也。惟在熱度之強盛。營養之足用而已。人則不然。恒視其智識道德。以爲優劣勝敗之差。人物所循天演之軌道。各自不同。蓋以此也。夫階熱之時。使人精神昏沈。欲與天然力相爭而不可得。嚴寒之時。使人精神顛頓。與天然力相抵太劇。而更無餘力以及他。熱帶之人。得衣食太易。而不思進取。寒帶之人。得衣食太難。而不能進取。惟居溫帶者。有四時之變遷。有寒暑之代謝。苟非勞力。則不足以自給。苟能勞力。亦必得其報酬。此文明之國民。所以起于北半球之大原也。

土地高低。亦與文明之發達有比例。區而分之。可爲三種。一曰高原。二曰平原。三曰海濱。

(一)高原 中亞細亞也。裏海黑海之間也。亞刺伯也。亞非利加之巴巴利沙漠也。南亞美利加之帕拉格維也。倭里那哥也。皆高原也。高原之特質。最適於畜牧。牧民逐水草而居。問其富。則數畜以對。而非數地以對也。雖行族長政治。頗近似於國家。然舍血族之外。更無他道以相團結。雖有如成吉思帖木兒等野蠻中之英雄。時出於其間。然終不能成一鞏固之國家。故文明無可言焉。

(二)平原 有河流則土地豐饒。中國之有黃河揚子江。印度之有恒河。瓊伽河。巴比倫之有天弗里士河。台格里士河。埃及之有尼羅河。皆其最著也。此等之地。始有農業。人皆土著。民自名田。有地主之權謂之名田。漢人用語也。家族政治。一變為封建政治。行國變為居國。而鞏固之國體乃始立。中國印度埃及巴比倫。皆在數千年以前。厯然成一大國。文明爛然。蓋平原之地勢使然也。

(三)海濱 驟觀地圖。則河海者。所以使土地閼隔而華離也。然徵諸歷史上之事實。則人類交通往來之便。全恃河海。德儒黑革曰。水性使人通。山性使人塞。水勢使人合。山勢使人離。誠哉是言。歐洲人自十五世紀以來。與隔海之亞美利加及印度。交通頻

數。已非一日。而於陸地接壤之亞細亞及亞非利加內地。反闔塞而疏迷之。此其一證也。南北兩美洲之間。有巴拿馬地峽以爲之連。亞歐非三洲之間。有地中海以爲之隔。而世界文明之起原。反以地中海爲中心點。又其一證也。海也者。能發人進取之雄心者也。陸居者以懷土之故。而種種之繫累生焉。試一觀海。忽覺超然萬累之表。而行爲思想。皆得無限自由。彼航海者其所求固在利也。然求之之始。卻不可不先置利害於度外。以性命財產爲孤注。冒萬險而一擲之。故久於海上者。能使其精神口以勇猛。日以高尚。此古來頻海之民。所以比於陸居者活氣較勝。進取較銳。雖同一種族。而能忽成獨立之國民也。腓尼西亞之於猶太。葡萄牙之於西班牙。荷蘭之於德意志。是其例也。同爲希臘種。而埃及人與獨利安人之性質迥別。同爲黃種。而中國人與日本人風氣攸殊。皆海之爲之也。太古之文明。雖起于埃及與安息之間。而發揚之者實腓尼西亞與希臘人。曰瀕海之故。羅馬解紐以後。文明進步最速者。厥惟意大利。曰瀕海之故。美洲新大陸開闢以來。西歐諸國之沿海岸者。屢屢日進。而俄國獨瞠乎後焉。曰瀕海不瀕海之故。

三大陸比較之。則亞非利加高原之地也。亞細亞高原平原交錯之地也。歐羅巴高原平原海濱三者調和適均之地也。以面積論。則歐羅巴為五洲之冠。以海岸線論。則歐羅巴為五洲之冠。此其於文明程度。有大關係焉。今示其表如下。

	面積	海岸線
亞細亞	一七、二二〇、〇〇〇英方里	三六、〇〇〇英里
亞非利加	一一、五〇〇、〇〇〇英方里	一七、〇〇〇英里
北亞美利加	九、〇〇〇、〇〇〇英方里	四三、〇〇〇英里
歐羅巴	三、八〇〇、〇〇〇英方里	一九、五〇〇英里

亞洲面積殆五倍歐洲。而其海岸線之長。不能倍之。歐洲面積不及非洲三之一。而海岸線乃加乎其長。夫非洲人所以難進文明者何也。歐洲之陸地。距海岸五百英里以外者。殆不多見。非洲則大率皆在一千英里以外也。然使海岸線雖少。而內地能有河流。可便舟楫。如亞細亞之天弗里士河。台格里士河。黃河。揚子江。恒河。疏伽河。南亞美利加之倭里挪哥河。亞麻遜河。拉布拉打河。北亞美利加之聖羅梭河。勿士必河等。大者輪船往來。可達三千英里。次者亦縱橫樓艦。可以通行。則亦能補海岸之不足。使其利

滋溥。亞非利加則不然。雖有尼羅河、庫哥河、尼又河、潛比西河之四大流。而皆不適於交通。蓋其瀑多湍急。不許人泝流而上也。加以有大沙漠。橫斷洲之南北。絕運輸之道。而全洲四分之三。屬於熱帶。其文明所以不克暢進者。實天然之缺陷使然也。

亞細亞之地理。雖似歐羅巴。然雪山之大。非亞爾布士之比。其印度半島。略似意大利。然其幅員太大。幾爲大陸而非半島。其南雖有澳大利亞洲。然不如歐羅巴與亞美利加之接近。至於印度洋與地中海比較。尤相去懸絕。故亞洲東西南北。各自成一小天。而文明之競爭不起焉。波斯與印度之間。惟有一路可通。亞力山大以來。用兵所通行者是也。而卡布兒之高原。又使之與西亞細亞相隔絕。若夫中國與印度之間。更無一路可適用於行軍通商者。雪山之峻險。常在千丈乃至千八百丈以上之高度。而帕米爾高原。盛夏積雪。故舍海路外。無可以相通之道。坐是亞細亞雖有創生文明之力。而無發揚文明之力。蓋由各地孤立。故生反對保守之惡風。抱惟我獨尊之妄見。以地理不便。故無交通。無交通。故無競爭。無競爭。故無進步。亞洲所以弱於歐洲。其大原在是。

於亞細亞之西。歐羅巴之南。亞非利加之北。環瀦其中央者。有地中海焉。使三大陸互相接近。互相運屬。齊平原民族所孕育之文明。移之於海濱。而發揮光大之。凡交通貿易。殖民用兵。一切人羣競爭之事業。無不集樞於此地中海。故觀文明傳播之大勢。亞細亞其母也。因與他二大陸隔海相接之故。一超而傳。諸希臘、意大利及羅馬併吞地中海諸國。復征服部羅羣地。乃再躍而散於歐洲之西端。及哥倫布尋得美洲。遂再奮而磅礴於南北。亞美利加。其西漸之跡。歷歷可稽。豈非以地中海爲主動之原力耶。假此地中海而在東方。則文明必先東被。而開闢新世界之偉業。必將成於亞洲人之手矣。由此觀之。地理之關係於文明。有更重大於人種者矣。

以地勢言之。歐羅巴不過亞細亞附庸之一半島耳。然因其幅員不廣。故各地之聯絡交通易。而有高原。有平原。有海濱。山脈河流。經界複雜。故能分立諸國。使諸種國民角起相競。雖然。其缺憾亦有一焉。則氣候嚴寒。不能自創文明是也。幸有大西洋之熱流。自墨西哥灣倒捲而向東北。使西歐諸國溫度增加。又亞非利加大沙漠。當以熱風播盪歐南。故歐羅巴氣候。比諸亞洲美洲之同緯度者。寒溫迥殊。要之其地勢與地氣。皆

非能自造文明者。惟受之於他方而自播殖之。發揮之。光大之。是其所長耳。

蓋文明之初發生。必在得天獨厚之地。厚者何。即氣候溫暖。物產饒足。謀生便易。是也。故歷觀古今中外。從無文明起於寒地者。前章所述之埃及印度中國巴比倫諸地。其所以能爲文明祖國者。非徒地勢使然。亦地氣使然也。至如北美之墨西哥。南美之秘魯。亦爲文明先進之國。哥倫布未闢新洲以前。此二國既已斐然有文物矣。東半球文明祖國。皆居溫帶而沿河流。此兩國則無有大河。而亦能早達者。則全以氣候之故。墨西哥在北緯二十一度。秘魯在南緯二十一度半。皆熱帶與溫帶之交也。

古代初民。無有資本。必其地之天然力極豐饒。常足償其勞力而有餘者。然後文明生焉。此義前既屢言之矣。地何以豐饒。多溫氣。多熱氣。而兩者又相和合者。是也。反是則貧瘠也。兩美洲之大河。皆在東部。注于大西洋。其西部注於太平洋者。無一焉。由落磯與安底斯兩山脈。皆偏在西部。故河流者。濕氣之所從出也。故西半球之濕氣。惟東部獨多。

若夫熱氣之所集。則南北美各不同。北美濕氣。雖在東部。而熱氣。卻在西部。東西兩海

岸。其溫度相差殊甚。此不獨美洲爲然耳。即東半球亦然。同一緯度也。而歐洲西岸與亞洲東岸大異。其故安在。蓋由南北兩冰洋與赤道下之大洋。其潮水之溫度相反。而地軸之轉。自西而東。故太平洋之潮流。繞亞澳兩洲間之群島。北轉而達臺灣。掠日本。東北趨達美國之海岸。南轉而達卡里佛尼亞。復與赤道潮合流。大西洋之流亦然。流至墨西哥灣。爲大陸所遮。不能出與太平洋合。乃迴流沿福羅里打海岸。北轉至赫的拉岬。與北海之寒潮接。東流而達歐羅巴西岸。其北流者則環蘇格蘭挪威。使其寒氣大減焉。由是觀之。赤道下之熱流。其行於北半球者。常以大陸之東岸爲歸宿之地。此東西寒燠差異之原因也。而墨西哥正在熱流集注之區。溫度最盛。又美洲至北緯二十度以南。地勢忽縮小。爲巴拿馬峽。其形恰與埃及之卡兒的亞相彷彿。因此。東西兩海岸接近。全國之地味氣候。皆等於島嶼。故雖無大河。而濕氣不乏。然則北亞、美利加洲。濕熱兩氣。最充盛。最調和者。惟墨西哥。此所以能獨優于大陸。而在十六世紀以前。已有文明也。由此觀之。凡原因同者。其結果必同。雖土地遠隔。人種各殊。而天演之公例。不少異也。

南美之現狀。與北美異。所謂東岸寒而西岸燠者。惟北半球爲然耳。南半球則適與相反。蓋南冰洋之寒潮。繞南球諸陸之西岸。而赤道熱流。反在其東岸也。南美洲溫熱兩氣。皆集於東方。故南美東部之土地。無論屬于熱帶溫帶寒帶者。皆極豐饒。然則文明不起於其間。又奚以故。曰溫熱之盛過度。動植物之繁殖。不可思議。人力爲天然力所壓。而不能盡其性也。夫海底有寒熱兩潮流。空中有寒熱兩風圈。皆由地軸東轉。簸盪而成。其理一也。自北緯二十八度至南緯二十八度之區。一年內凡爲東北風西南風者各半。西人所謂貿易風也。此貿易風之經大西洋而達南美東岸也。所含大洋中水氣。遇冷而墜。大雨時行。而爲安底斯山所阻。不能越嶺而西。其雨皆灌溉於巴西之地。故巴西天然力之盛。甲於全球。雖然。以太盛之故。人力爲其所壓。惜哉。其幅員面積與歐羅全洲相埒。徒委爲蠻族之巢窟。自葡人覓得此土以來。垂四百年。非不屢欲運歐洲之文明以化被之。然其力只及于東岸。若其內地。依然四百年前之故我而已。森林深而農業不進。蟲害甚而收穫難期。山高而不可登。河大而無由渡。巴西所以不能孕育文明。曰惟此之故。

國於巴西之西者。有秘魯焉。同在一大陸。同在一緯度。而地勢有相逕庭者。巴西既位熱帶之溫度。而世界第一大河亞馬遜灌溉之。諸小河流灌溉之。貿易風之大雨灌溉之。豐沃過度。人力無權。秘魯之地。則跨有安底斯山東麓之高原。與太平洋邊之海岸。安底斯山之西。終歲無雨。又無樹木。至其東麓。亞馬遜河上流一帶。常降雨而不過度。森林亦生焉。南冰洋之寒潮。達其西岸。調和其氣候。使不過熱。故南美洲中溫氣熱氣。會合適宜之地。惟一秘魯。此所以文明早發。與墨西哥同也。

(未完)



教 育

論教育當定宗旨

中國之新民

人之所異於羣物者安在乎。凡物之動力皆無意識。人之動力則有意識。無意識者何。不知其然而然者是也。亦謂之不能自主。有意識者何。有所爲而爲之者是也。亦謂之能自主。夫植物之生也。其根有胃。吸受膏液。其葉有肺。吐納空氣。其所以自榮衛者。不一端焉。雖然。不過生理上。人物體質生生之理。日本人譯爲生理學。自然之數而已。彼植物非能自知其必當如此。不當如彼。而立一目的以求之也。其稍進者爲動物。飢則求食。飽則游焉息焉。求而難得者則相爭。其意識稍發達。略知所謂當如此。不當如彼者。然必如何然後能如此。如何然後不如彼。非動物所能知也。最下等之野蠻人。其情狀殆亦爾爾。要而論之。則植物之動。全恃內界自然之消息者也。動物及下等野蠻之動。則內界之消息與外界之刺激稍相和合者也。皆不知其然而然者也。若人則於此二界之外。別有思想。別有能力。能自主以求達其所向之鵠。若是者謂之宗旨。

宗旨之或有或無。或定或不定。或大或小。或強或弱。恒爲其人文野之比例。差夫野蠻人之築室也。左投一瓦焉。右堆一石焉。今日支一木焉。明日畚一土焉。及其形粗具。曰是苟完矣。因而居之。若文明人。則必先出其意匠。畫其圖形。豫算其材器。未鳩工之始。而室之規模。先具於胸中矣。野蠻人之治國也。因仍習慣。不經思索。遇一新現象。出則旁皇無措。過一時算一時。了一事算一事。若文明人。則必先定國體焉。定憲法焉。或採專制之政。或採共治之政。皆立一標準。而一切舉措。皆向此標準而行。若是者。所謂宗旨也。未有無宗旨而能成完全之事業者也。故夫負襁褓櫛風雨於哇隴者。何爲乎。謀食之宗旨使然也。湫口沫糜腦力於窓下者。何爲乎。求學之宗旨使然也。揮黑鐵流赤血於疆場者。何爲乎。爭權利之宗旨使然也。然則無宗旨則無所用其耕。無宗旨則無所用其學。無宗旨則無所用其戰。百事莫不皆然。而教育其一端也。

文明人何以有宗旨。宗旨生於希望。希望生於將來。必其人先自忖自語曰。吾將來欲如是如是。此宗旨之所由起也。曰。吾將來必如何。然後可以如是如是。此宗旨所由立也。愈文明。則將來之希望愈盛。教育制度所以必起於文明之國。而野蠻半開者無之。

何歟。教育者其收效純在於將來而現在必不可得見者也。然則他事無宗旨猶可以苟且遷就。教育無宗旨則寸毫不能有成何也。宗旨者爲將來之核者也。今日不播其核而欲他日之有根有芽有莖有幹有葉有果必不可期之數也。

一國之教育與一人之教育其理相同。父兄之教子弟也。將來欲使之爲士。欲使之爲農爲工爲商。必定其所嚮焉。然後授之。未有欲爲箕者而使之學冶。欲爲矢者而使之學函也。惟國亦然。一國之有公教育也。所以養成一種特色之國民。使之結爲團體。以自立競存於優勝劣敗之場也。然欲達此目的。決非可以東塗西抹。今日學一種語言。明日設一門學科。苟且敷衍亂雜無章而遂可以收其功也。故有志於教育之業者。先不可不認清教育二字之界說。知其爲製造國民之具。次不可不具經世之燭眼。抱如傷之熱腸。洞察五洲各國之趨勢。熟考我國民族之特性。然後以全力鼓舞之。由前之說。則教育宗旨所由起也。由後之說。則教育宗旨所由立也。

吾國自經甲午之難。教育之論始萌蘖焉。庚子再創。一年以來。而教育之聲遂徧滿於朝野上下。此實漸進文明之一徵也。雖然。向彼之倡此論任此責者。果能解教育之定

義乎。何所爲而爲之乎。果實有見於教育所得將來之結果乎。由何道以致之乎。叩其故。則曰外國皆有教育。吾不可以獨無之云爾。至外國何以有吾國何以無外國何以爲之而能有功吾國何以爲之而久無效此問題非彼等所能及也。英有英之教育法有法之教育德有德之教育日有日之教育則吾國亦應有吾國之教育此問題更非彼等所能及也。其下焉者。見朝廷銳意教育。我亦趁風潮附炎熱思博萬一之寵榮。其上焉者。亦不過撫拾外論。瞥見歐美日本學制之一斑。震驚之艷羨之。而思仿摹之耳。審如是也。是何異鸚鵡聞人笑語。而亦學語。孩童見人飲食。而亦思食也。審如是也。則今之所謂教育論者。全屬無意識之動。未嘗有自主之思想。自主之能力。定其所向之鵠。而求達之。與動物及下等野蠻之僅藉外界刺激之力。以食焉。息焉。游焉。爭焉者。曾無以異。以是而欲成就文明人所專有之教育事業。豈可得耶。豈可得耶。

雖然。吾驟責彼等以無宗旨。彼必不服。何也。彼固曰。吾將以培人才也。開民智也。若是者。安得謂非宗旨。然則吾於其宗旨之果能成爲宗旨與否。其宗旨之有用與否。無弊與否。其宗旨能合於今世文明國民所向之宗旨與否。不可不置辯。夫培漢奸之才。

亦何嘗非人才。開奴隸之智。亦何嘗非民智。以此爲宗旨。誰能謂其無宗旨者耶。彼等之宗旨。雖未必若是。然五十步與百步之間。非吾所敢言也。試一繙前者創辦京師同文館上海廣方言館之檔案。觀其奏摺中公牘中章程中所陳說者何如。此猶曰在內地者。試一游日本東京中國公使館中附立之學堂。有前使臣李經方所題一聯云。……斯堂培翻譯根基。請自我始。爾輩受朝廷教養。先比人優。……此二語實代表吾中國數十年來之教育精神者也。舍翻譯之外。無學問。舍陞官發財。外無思想。若此者。吾亦豈能謂其非宗旨耶。以此之宗旨。生此之結果。吾中國有學堂三十餘年。而不免今日之腐敗。所謂種瓜得瓜。種豆得豆。絲毫不容假借者也。今之教育者。必曰。吾之新教育。不如是。吾將教之以格致物理。吾將教之以地理歷史。吾將教之以政治理財。若是者。謂爲學科之進步也。可至其宗旨之進步與否。非吾所敢言也。夫使一國增若干之學問智識。隨即增若干有學問有智識之漢奸奴隸。則有之。不如其無也。今試問以培人才開民智爲宗旨者。其所見果有以優於李經方聯語云云者。幾何也。吾敢武斷之曰。此等宗旨。不成爲宗旨。何也。教育之意義。在養成一種特色之國民。使結構嚴

以自立競存於列國之間。不徒爲一人之才與智云也。深明此義者。可與語教育焉。耳。

吾欲爲吾國民定一教育宗旨。請先臚列他國之成案。以待吾人參考而自擇焉。凡代表古代者三。曰雅典。曰斯巴達。曰耶穌教。代表現世者三。曰英吉利。曰德意志。曰日本。第一雅典。雅典者古希臘市府之國。而民政之鼻祖也。其市民皆有參預政事之權。故其教育之宗旨。務養成可以爲市民之資格。獎勵其自由之性。訓練其斷事之識。又雅典人所自負者。欲全希臘文化之中心點。集於其國也。故務使國民有高尙之理想。有嚴重之品格。有該博之科學。一切教育條理。皆由此兩大宗旨而生。故其國多私立學校。授種種羣學哲學等。其人重名譽。輕金錢。有以學問爲謀生之具者。則共鄙棄之。不與齒。其結果也。立法行政之制度。在上古號稱最完善。至今爲各國所仿效。而大儒梭格拉底。柏拉圖。阿里士多德。皆生於其間。

第二斯巴達。斯巴達者亦希臘一國。與雅典對峙。而貴族專制政體之名邦也。其教育制度。由彼中大立法家來喀格士所定。其宗旨在使斯巴達爲全希臘最強之國。嚴

先使全國人爲軍國民一國之子弟一國所公有也。父母不得而私之。童子年七歲即入公立學校。養之教之。皆政府責任。惟其以專制爲政體也。故務束縛之。養其服從長上之性。非至四十以上不能自由。惟其以尙武爲精神也。故專務操練軀體。使之強壯。每使之歷人生不能堪之苦工。有過失者。鞭撻楚毒于長老之前。紀律極嚴。一國如一軍。常以愛國大義。討實而訓警之。故敵愾之心。無時或忘。斯巴達之教育。即由此專制尙武兩大宗旨而生者也。其結果也。使其國狎主夏盟。雄長諸侯。

第三耶穌教會 耶穌教之教育。非國民教育也。雖然其宗旨之堅忍而偉大。有深足法者。且中古一線之文明。賴之以延。近世無量之文明。因之以發。故不可不論及之。耶穌教無固有之教育法。無固有之學制。無固有之教授材料。語其特色。則以耶穌爲教育之理想。以耶穌爲教育家之模範也。其宗旨。在嚴守律法。而各自尊其自由權。且互尊他人之自由權。以至誠起信爲體。以殺身成仁。忍辱耐苦爲用。當中世之初。教會本無學校。而此宗旨所磅礴鬱積。愈光愈大。及今日而耶穌教之學堂。遂徧於大地。其結果也。能合無量數異國異種之人。結爲一千古未有之大團體。其權力常與國家相頡。

頡時或駕而上之。

第四英吉利。盎格魯撒遜種者。今日地球上最榮譽之民族也。其教育之宗旨。在養成活潑進步之國民。故貴自由。重獨立。薰陶高尚之德性。鍛鍊強武之體魄。蓋兼雅與斯巴達之長而有之焉。英國之學校。特注重於德育體育。而智育居其末。若以學科之繁程度之高論之。則英國之視諸國。瞠乎後也。而絕大之學者。絕大之政治家。絕大之國民出焉。何也。其教育之優點。不在形質而在精神。其父母之視子女也。不視爲己之附庸。而視爲國民之一分子。其在家庭。其在學校。皆常有以啓發其權利義務之觀念。而使其知自貴自重。其所教者。常務實業。使其成年之後。可以自立而斷絕其倚賴他人之心。自其幼時。常使執事。使其有自治之力。雖離父兄。去師長。而不至爲惡風潮之所漂蕩。故英美國民。皆各有常識。各有實力。非徒恃一二英雄豪傑以支柱國家者也。以故六洲五洋中。大而大陸。小而孤島。無不有盎格魯撒遜人種之足跡。而所至皆能自治獨立。戰勝他族。蓋皆其教育宗旨所陶鑄。非偶然耳。

(未完)

論學術之勢力左右世界

中國之新民

亘萬古。袤九垓。自天地初闢以迄今日。凡我人類所棲息之世界。於其中而求一勢力之最廣被而最經久者。何物乎。將以威力乎。亞歷山大之獅吼於西方。咸言思汗之龍騰於東土。吾未見其流風餘烈。至今有存焉者也。將以權術乎。梅特涅執牛耳於奧大利。拿破侖第三弄政柄於法蘭西。當其盛也。炙手可熱。威震環瀛。一敗之後。其政策亦隨身名而滅矣。然則天地間獨一無二之大勢力。何在乎。曰智慧而已矣。學術而已矣。

今且勿論遠者。請以近世史中文明進化之跡。略舉而證明之。凡稍治史學者。度無不知近世文明先導之兩原因。即十字軍之東征與希臘古學復興是也。夫十字軍之東征也。前後凡七役。亘二百年。起一千〇九十六年。迄一千二百七十年。卒無成功。乃其所獲者不在此而在彼。以此役之故。而歐人得與他種民族相接近。傳習其學藝。增長其智識。蓋數學天文學理

化學動物學醫學地理學等。皆至是而始成立焉。而拉丁文學宗教裁判等亦因之而起。此其遠因也。中世之末葉。羅馬教皇之權日盛。哲學區域。爲安士林 *Athelina* (羅馬教之神甫也) 派所壟斷。及十字軍罷役以後。西歐與希臘亞刺伯諸邦。來往日便。乃大從事於希臘語言文字之學。不用繙譯。而能讀亞里士多德諸賢之書。思想大開。一時學者不復爲宗教迷信所束縛。卒有路得新教之起。全歐精神爲之一變。此其近因也。其間因求得印書之法。而文明普徧之途開。求得航海之法。而世界環遊之業成。凡我等今日所衣所食所用所乘所聞所見。一切利用前民之事物。安有不自學術來者耶。此猶曰其普通者。請舉一二人之力左右世界者。而條論之。

一曰歌白尼

Copernicus

生于一四七三年
卒于一五四三年

之天文學。泰西上古天文家言。亦如中國古

代。謂天圓地方。天動地靜。羅馬教會主持是論。有倡異說者。輒以非聖無法罪之。當時哥倫布雖尋得美洲。然不知其爲西半球。謂不過亞細亞東岸之一海島而已。及歌白尼地圓之學說出。然後瑪志命 *Magellan* 以一五一九年始。始尋得太平洋航海線。而新世界始開。今日之有亞美利加合衆國。燦然爲世界文明第一。而駸駸握全地球之霸

權者。歌白尼之爲之也。不寧惟是。天文學之既興也。從前宗教家種種憑空構造之。論不復足以欺天下。而種種格致實學從此而生。雖謂天文學爲宗教改革之強援。爲諸種格致學之鼻祖。非過言也。歌白尼之關係於世界何如也。

二曰倍根笛卡兒。

二人國籍及生卒年月見本號學說門

之哲學。中世以前之學者。惟尙空論。嗚嗚然爭宗派。

爭名目。口崇希臘古賢。實則重誣之。其心思爲種種舊習所縛。而曾不克自拔。及倍根出。專倡格物之說。謂言理必當驗諸事物。而有徵者乃始信之。及笛卡兒出。又倡窮理之說。謂論學必當反諸吾心。而自信者乃始從之。此二派行。將數千年來學界之奴性。犁庭掃穴。靡有孑遺。全歐思想之自由。驟以發達。日光日大。而遂有今日之盛。故哲學家恒言。二賢者近世史之母也。倍根笛卡兒之關係於世界何如也。

三曰孟德斯鳩 *Montesquien*

法國人生於一六八九年卒於一七五五年

之著萬法精理。十八世紀以前。政法學

之基礎甚薄。一任之於君相之手。聽其自腐敗自發達。及孟德斯鳩出。始分別三種政體。論其得失。使人知所趣向。又發明立法行法司法三權鼎立之說。後此各國靡然後之。政界一新。漸進以迄今日。又極論聽訟之制。謂當廢拷訊。設陪審。歐美法廷。遂爲一

變。又謂販賣奴隸之業大悖人道。攻之不遺餘力。實為後世美英俄諸國放奴善政之嚆矢。其他所發之論。為法蘭西及歐洲諸國所採用。遂進文明者。不一而足。孟德斯鳩實政法學之天使也。其關係於世界何如也。

四日盧梭 Rousseau

法國人生於一七一二年卒於一七八八年

之倡天賦人權歐洲古來有階級制度之習一切政權教權皆為貴族所據平民則視若奴隸焉及盧梭出以為人也者生而有平等之權即生而當享自由之福此天之所以與我無貴賤一也於是著民約論 Social

Contract 大倡此義謂國家之所以成立乃由人民合羣結約以衆力而自保其生命財產者也各從其意之自由自定約而自守之自立法而自遵之故一切平等若政府之首領及各種官吏不過衆人之奴僕而受託以治事者耳自此說一行歐洲學界如旱地起一霹靂如暗界放一光明風馳雲捲僅十餘年遂有法國大革命之事自茲以往歐洲列國之革命紛紛繼起卒成今日之民權世界民約論者法國大革命之原動力也法國大革命十九世紀全世界之原動力也盧梭之關係於世界何如也

五日富蘭克林 Franklin

美國人生於一七〇六年卒於一七九〇年

之電學瓦特 Watt

英人生於一七三六年卒於一八一九年

之汽

機學十九世紀所以異於前世紀者何也。十九世紀有縮地之方。前人以馬力行每日不能過百英里者。今則四千英里之程。行於海者十三日而可達。行於陸者三日而可達矣。則輪船鐵路之為之也。昔日製帽製靴紡紗織布等之工。以若干時而能製成一枚者。今則同此時刻。能製至萬枚以上矣。倫敦一報館一年所用之紙。視十五世紀至十八世紀四百年間所用者。有加多焉。則製造機器之為之也。美國大統領下一教書。僅一時許。而可以傳達於支那。上午在印度買貨。下午可以在倫敦銀行支銀。則電報之為之也。凡此數者。能使全世界之政治商務軍事。乃至學問道德。全然一新其面目。而造此世界者。乃在一資沸水之瓦特。瓦特因沸水而悟汽機之理與一放紙鸞之富蘭克。富氏嘗放紙鸞以驗電學之理一賢之關係於世界何如也。

六日亞丹斯密 Adam Smith

英國人生于一七二三
年卒於一七九〇年

之理財學泰西論者每謂理財學之

誕生日何日乎即一千七百七十六年是也何以故蓋以亞丹斯密氏之原富 Inquiry

into the Nature and Causes of the Wealth of Nations

此書係官嚴
氏近譯未成

出版於是年也此書之

出。不徒學問界為之變動而已。其及於人羣之交際。及於國家之政治者。不一而足。而

一八四六年以後。英國決行自由貿易政策。Free Trade。盡免關稅。以致今日商務之繁盛者。斯密氏原富之論為之也。近世所謂人羣主義。Socialism。專務保護勞力者。使同享樂利。其方策漸為自今以後之第一大問題。亦自斯密氏發其端。而其徒馬爾沙士大倡之。亞丹斯密之關係於世界何如也。

七日伯倫知理 *Bismarck*

德國人。生于一八〇八年。卒于一八八一年。

之國家學。伯倫知理之學說。與盧梭正

相反對者也。雖然盧氏立於十八世紀而為十九世紀之母。伯氏立於十九世紀而為二十世紀之母。自伯氏出。然後定國家之界說。知國家之性質精神。作用為何物。於是國家主義乃大興於世。前之所謂國家為人民而生者。今則轉而云人民為國家而生。為使國民皆以愛國為第一之義務。而盛強之國乃立。十九世紀末。世界之政治。則是也。而自今以往。此義愈益為各國之原力。無可疑也。伯倫知理之關係於世界何如也。

八日達爾文 *Charles Darwin*

英國人。生于一八〇九年。卒於一八八二年。

之進化論。前人以為黃金世界在於

昔時。而末世日以墮落。自達爾文出。然後知地球人類乃至一切事物皆循進化之公理。日趨於文明。前人以為天賦人權。人生而皆有自然應得之權利。及達爾文出。然後

知物競天擇優勝劣敗非圖自強則決不足以自立達爾文者實舉十九世紀以後之思想徹底而一新之者也是故凡人類智識所能見之現象無一不可以進化之大理貫通之政治法制之變遷進化也宗教道德之發達進化也風俗習慣之移易進化也數千年之歷史進化之歷史數萬里之世界進化之世界也故進化論出而前者宗門迷信之論盡失所據教會中人惡達氏滋甚謂有一魔鬼住於其腦云非無因也此義一明於是人人不敢不自勉為強者為優者然後可以立於此物競天擇之界無論為一人為一國家皆向此鵠以進此近世民族帝國主義 National Imperialism 民族自培植其勢力於國外謂之民族帝國主義所由起也此主義今始萌芽他日且將磅礴充塞於本世紀而未已有已也雖謂達爾文以前為一天地達爾文以後為一天地可也其關係於世界何如也

以上所列十賢不過舉其荦荦大者至如奈端 Newton 英人生于一六四二年卒于一七二七年之創重學

列 Guericke 德國人生于一六〇二年卒于一六八六年 杯黎 Boyle 英人生于一六二六年卒于一六九一年之製排氣器連挪士 Linnaeus

瑞典人生于一七〇七年卒于一七七八年 之開植物學康德 Kant 德國人生於一七二四年卒於一八〇四年 之開純全哲學皮里士利

Priestley 英人生於一七三三年卒於一八〇四年 之化學邊沁 Bentham 英人生於一七四七年卒於一八三二年 之功利主義黑拉

Herbart 生于二七七六年 卒于一八四一年

之教育學仙士門 St. Simon

法 人 喀 謨 德 Comte

法 人 生 于 一 七 七 九 年 卒 于 一 八 五 七 年

之倡人羣主義及羣學約翰彌勒 John Stuart Mill

英 人 生 于 一 八 〇 六 年 卒 于 一 八 七 三 年 之 論 理 學 政 治 學

女權論斯賓塞 Spencer

英 人 生 于 一 八 二 〇 年 今 猶 生 存

之 羣 學 等 皆 出 其 博 學 深 思 之 所 獨 得 審 諸 今

後時勢之應用。非如前代學者。以學術為世界外遁跡之事業。如程子所云玩物喪志也。以故其說一出。類能聳動一世。餉遺後人。嗚呼。今日光明燦爛。如茶如錦之世界。何自來乎。實則諸賢之腦髓之心血之口沫之筆鋒。所組織之。而莊嚴之者也。

亦有不必自出新說。而以其誠懇之氣。清高之思。美妙之文。能運他國文明新思想。移植於本國。以造福於其同胞。此其勢力。亦復有偉大而不可思議者。如法國之福祿特

爾 Voltaire

生 於 一 六 九 四 年 卒 於 一 七 七 八 年

日 本 之 福 澤 諭 吉 去 年 卒

俄 國 之 托 爾 斯 泰 Tolstoy

今 尚 生 存 諸 賢 是

也。福祿特爾當路易第十四全盛之時。惄然憂法國前途。乃以其極流麗之筆。寫極偉大之思。寓諸詩歌院本小說等。引英國之政治。以譏諷時政。被錮被逐。幾瀕於死者屢焉。卒乃為法國革新之先鋒。與孟德斯鳩盧梭齊名。蓋其有造於法國國民者。功不在兩人下也。福澤諭吉當明治維新以前。無所師授。自學英文。嘗手抄華英字典一過。又以

獨力創一學校。名曰慶應義塾。創一報館。名曰時事新報。至今爲日本私立學校報館之巨擘焉。著書數十種。專以輸入泰西文明思想爲主義。日本人之知有西學。自福澤始也。其維新改革之事業。亦顧問于福澤者十而六七也。托爾斯泰。生於地球第一專制之國。而大倡人類同胞兼愛平等主義。其所論蓋別有心得。非盡憑藉東歐諸賢之說者焉。其所著書。大率皆小說。思想高徹。文筆豪宕。故俄國全國之學界。爲之一變。近年以來。各地學生咸不滿於專制之政。屢屢結集。有所要求。政府捕之。錮之。放之。逐之。而不能禁。皆托爾斯泰之精神所鼓鑄者也。由此觀之。福祿特爾之在法蘭西。福澤論言之在日本。托爾斯泰之在俄羅斯。皆必不可少之人也。苟無此人。則其國或不得進步。即進步亦未必如是其驟也。然則如此等人者。其於世界之關係。何如也。

吾欲敬告我國學者曰。公等皆有左右世界之力。而不用之。何也。公等即不能爲倍根。笛卡兒。達爾文。豈不能爲福祿特爾。福澤論。吉托爾斯泰。即不能左右世界。豈不能左右一國。苟能左右我國者。是所以使我國左右世界也。吁。嗟。山兮。穆如高兮。吁。嗟。水兮。浩如長兮。吾聞足音之蹺然兮。吾欲溯洄而從之兮。吾欲馨香而祝之兮。

獻身甘作萬矢的
誓起民權移舊俗
十年以後當思我
世界無窮願無盡

著論求為百世師
更學哲理屬新知
舉國猶狂欲語誰
海天寥廓立多時



兵事

軍國民篇

霍嗣生

甲午一役以後。中國人士。不欲爲亡國之民者。羣起以呼嘯叫號。發鼓擊鉦。聲撼大地。以主張變法自強之議。或吹煽開智之說。或立危詞。以警國民之心。或故自尊大。以鼓舞國民之志。未幾而海海內外。風靡響應。皆懼爲亡國之民。皆恥爲喪家之狗。未幾有戊戌變法自強之舉。此振興之自上者也。踰年有長江一帶之騷動。此奮起之自下者也。同時有北方諸省之亂。此受外族之憑陵。忍之無可忍。乃轟然而爆發者也。文字之力。不亦大且速哉。昔中國罹麻木不仁之病。群醫投以劇藥。朽骨枯肉。乃獲再甦。四肢五內之知覺力。逐日增加。然元氣凋零。體血焦涸。力不支軀。行佇起臥。顛戰欲仆。扁和目之曰。疾在筋骨。非投以補劑。佐以體操。則終必至厥痿而死矣。人當昏慣于睡夢之中。毒蛇猛獸。大盜小竊。環而伺之。懼其不醒也。大聲以呼之。大力以搖之。既醒矣。而筋骨竄弱。膂力不支。雖欲慷慨激昂。以與毒蛇猛獸。大盜小竊。爭一日之存亡。豈可得哉。

中。國。之。病。昔。在。神。經。昏。迷。罔。知。痛。癢。今。日。之。病。在。國。力。孱。弱。生。氣。銷。沈。扶。之。不。能。止。其。顛。肩。之。不。能。止。其。墜。奮。翻。生。曰。居。今。日。而。不。以。軍。國。民。主。義。普。及。四。萬。萬。則。中。國。其。真。亡。矣。

軍。國。民。主。義。昔。濫。觴。于。希。腊。之。斯。巴。達。汪。洋。于。近。世。諸。大。強。國。歐。西。人。士。即。婦。孺。之。腦。質。中。亦。莫。不。深。受。此。義。蓋。其。國。家。以。此。為。全。國。國。民。之。普。通。教。育。國。民。以。奉。斯。主。義。為。終。身。莫。大。之。義。務。帝。國。主。義。實。由。軍。國。民。主。義。胎。化。而。出。者。也。蓋。內。力。既。充。自。不。得。不。盈。溢。而。外。犇。耳。

日。人。有。言。曰。軍。者。國。民。之。負。債。也。軍。人。之。智。識。軍。人。之。精。神。軍。人。之。本。領。不。獨。限。之。從。戎。者。凡。全。國。國。民。皆。宜。具。有。之。嗚。呼。此。日。本。之。所。以。獨。獲。為。亞。洲。之。獨。立。國。也。歟。日。本。之。國。制。昔。為。封。建。戰。爭。之。風。世。世。相。承。剛。武。不。屈。之。氣。瀾。滿。三。島。蓄。蘊。既。久。乃。鑄。成。一。種。天。性。雖。其。國。之。兒。童。走。卒。亦。莫。不。以。大。和。魂。三。字。自。矜。大。和。魂。者。日。本。尚。武。精。神。之。謂。也。區。區。三。島。其。面。積。與。人。口。遠。不。及。我。四。川。一。省。而。國。內。山。嶽。縱。橫。無。大。川。長。河。故。交。道。之。道。絕。舉。全。國。財。力。僅。及。百。二。十。萬。萬。其。民。之。貧。乏。無。狀。可。以。概。見。然。而。能。出。精。

兵五千萬。擁艦隊二十五萬噸。得以睥睨東洋者。蓋由其國人之腦質。中含有一種特別之天性而已。

漢族之馴良懦弱。冠絕他族。他族視之。俯首帖耳。呻吟于異族之下。奴顏隸面。恬不爲恥。周之於西戎。漢之於匈奴。晉之於五胡。唐之於突厥。宋之於金遼。明之於今清。今之於俄於英於法於德於日本於意奧於美利堅。二千餘年以來。鮮不爲異族所踐踏。鐵蹄遍中原。而中原爲墟。羶風所及。如瓦之解。如冰之判。黃河以北之地。儼爲蠻族一大游牧場。嗚呼。舉國皆如嗜鴉片之學究。若罹癩病之老婦。而與獷悍無前之壯夫相鬪。亦無怪其敗矣。尾崎行雄於甲午之歲。著支那處分案。中有一段最能探漢族致弱之病根。其言曰。

國民之戰鬥力。保國之大經也。一國之內。地有文武之差。民有勇怯之別。如九州之壯武。中國日本之地名之文弱是也。天下之大。種族之多。國民有勇怯文武之差異。固亦理勢之當然已。

自歷史上之陳迹徵之。支那人係尙文之民。而非尙武之民。係好利之民。而非好

戰之民。今日支那之遇戰連敗者。其近因雖多。而其遠因實在支那人之性情也。又曰。清兵之戰也。莫不携有旌旗兩具。鑼鼓提燈等件。驟見之實堪駭異。苟知戰者。其不携此無用之長物必矣。又曰。余嘗注釋支那之所謂戰字。謂爲旗鼓競爭會。支那文人叙兩軍對峙之形勢。每曰「旗鼓相當」。可知支那之所謂勝敗。不過曰旌旗多而鼓聲壯則勝。否則敗而已矣。

又下斷言五項。謂中國永無雄飛之望。今復摘譯之於下。

A 支那民族之性情習慣。尙文好利。非尙武好戰。

B 以尙文好利之民。雖積節制訓練之功。亦不能四敵尙武民族。

C 支那人乏道義心。上下交欺。恬不可怪。畢竟不能舉節制訓練之實。

D 支那無固有之軍器。其所謂軍器者。非殺人器而嚇人器也。

E 既無軍器。故無戰爭之理。支那人之所謂戰者。不過旗鼓競爭會而已耳。

要而論之。支那人之戰鬥力。自今以往。其必沈淪於水平線以下矣。如斯民族。

今日戰爭最劇之世界。欲保全其獨立也能乎不能。

尾崎者日本前文部大臣而今政友會之領袖也。彼當日之爲此言也。雖曰爲鼓舞其國民之敵愾心而發。然按之實際。則毫髮不易。撫心自問。能無慙然。夫流之濁也。非其本質之濁。必有致濁之由。木之朽也。非其本質之腐。必有致腐之因。漢族之墮落腐壞。不堪以致於此極者。抑亦由於有多少無形之原因所致耳。謂予不信。請概舉其例。

一原因於教育者

教育者國家之基礎。社會之精神也。人種之強弱。世界風潮之變遷。流動皆於是生焉。東西各強國莫不以教育爲旋轉全國國民之樞紐。教育機關之要津在學校。故兒童達期不入校者。罰其父兄。既入學也。其所踐之課程。皆足發揚其雄武活潑之氣。鑄成其獨立不羈之精神焉。美國者世界所稱爲太平共和固守「們羅」主義之國也。然其小學學童所歌之詞。皆激烈雄大之軍歌也。吾嘗檢譯日本小學讀本。全籍多蓄愛國尊皇之義。而於中日海陸戰爭之事蹟。尤加詳焉。其用意所在。蓋欲養成其軍人性質。於不知不覺之中耳。夫圖畫一課末藝也。而有戰艦砲彈槍礮等圖。其用心之微。固非

野蠻諸邦國所得而知之矣。日本尙如此。而況歐美諸強國哉。

中國教育界之情形。綜錯不一。故難一律概之。然小學時代之爲學狀態。雖萬里以外。猶出一轍也。夫自孩提以至成人之間。此中十年之頃。爲體魄與腦筋發達之時代。俗師鄉儒。乃授以仁義禮智三綱五常之高義。強以龜行黿步之禮節。或讀以靡靡無謂之章詞。不數年遂使英穎之青年。化爲八十老翁。形同槁木。心如死灰。受病最深者。愈爲世所推崇。乃復將其類我之技。遺毒來者。代代相承。無有已時。嗚呼。西人謂中國爲老大帝國。夫中國既無青年之人。烏復有青年之國家哉。歐美諸邦之教育。在陶鑄青年之才力。使之將來足備一軍國民之資格。中國之教育。在摧殘青年之才力。使之將來足備一奴隸之資格。以腐壞不堪之奴隸。戰彼勇悍不羈之國民。烏見其不敗耶。烏見其不敗耶。

二原因於學派者

宗教之移人也。亦甚矣哉。奉摩哈默德教之民。則有輕死好戰之風。奉耶穌教之民。則有博愛堅強之風。奉佛教之民。則有勤破生死屏絕利慾之風。

此惟指日本而言。若中國若印度若暹羅則懸然無足觀。

矣。蓋所奉者非佛也。以上諸教皆與軍國民有絕大之影響。故苟奉以上諸教之邦。其國民之性質。未有不弘毅尙武。得以凌制他族者焉。中國無宗教。而有學派代之。故一國之風尙。皆學派之薰染力所造也。中國學派。可析之爲二大宗派。一曰孔派。一曰老派。孔派主動。老派主靜。孔派主進。取老派主保守。孔派主剛。老派主柔。孔派主魄。老派主魂。孔派主實。老派主虛。孔派主責任。老派主放棄。孔派主羣。老派主分。孔派主爭。競。老派主退。讓。孔派主博愛。老派主自私。要而論之。孔派含尙武之精神。老派含賤武之精神。是也。此孔老二派最相冰炭之處也。二千餘年以來。學界內之戰雲爭雨。此二派實互爲楚漢。勝敗之機。迄今尙未決也。而自俗眼視之。素王之道。經劉孔韓周朱程之闡發。大義加以歷朝民賊獨夫之推崇。赫赫炎炎。如紅日之麗中天。如流水之出三峽。電馳風發。旁魄中原。舉國之大。莫不入其彀中。李耳一派。則黯然寡色。無復有生氣矣。然覈其實。則有大謬不然者焉。夫劉孔韓周朱程之徒。名爲孔派之功臣。實則孔派之蝨賊。此種蝨賊。謂之老派可也。故蝨賊之力愈大。則孔派之精神愈泯。老派勢力。遂得以汎濫天下。流毒萬代。根深柢固。牢不可破。民賊獨夫。復從而鼓浪揚波。巧立推行之方法。務使

老氏精神。普及人間。則世世子孫。可以永有其產業而無所虞。於是學界中之亡鹿。遂爲老派所獨擄矣。雖有陸王顏習黃黎之嶄然傑出。亦不能挽彼頽波于旣潰之秋。可慨矣夫。嗚呼。中國之孔派。非孔派也。張孔派之旗鼓。而爲敵派之內應耳。學派者。國民思潮之母。中國思潮之敵。陋至今日。而達極點。非一洗數千年之舊思潮而更新之。則中國國民。其永就沈淪之途。已安得一路德其人。推翻僞孔而使真孔重觀天日哉。

三原因於文學者

讀出師表。則忠義之心油然以生。讀哀江南則起亡國之悲痛。披岳武穆文文山等傳。則慷慨激昂。覽山海經搜神記等籍。則游心異域。人之情已。獨怪夫中國之詞人。莫不摸寫從軍之苦。與戰爭之慘。從未有謂從軍樂者。蓋詞人多處亂世。因亂世而後有詞章之材料。窮鑿鬼工。悲神泣鬼。動魄驚心。使讀者悲惻愴涼。肝膽俱碎。雖烈士壯夫。苟遊目一過。亦將垂首喪氣。黯然銷魂。求所謂如「不斬樓蘭終不還」之句。則如麟角鳳毛之不可多得。若是則國民之氣。獨得不餒且潰耶。而文學之中。最具感化力者。莫如小說。然中國之小說。非佳人則才子。非狐則妖。非鬼則神。或離奇怪誕。或淫褻鄙俚。要

而論之。其思想皆不出野蠻時代之範圍。然而中上以下之社會莫不爲其魔力所牽引。此中國廉耻之所以掃地而聰明才力所以不能進步也。

四原因于風俗者

諺曰「好漢不當兵。好鐵不打釘。」此語也。雖窮鄉僻野之愚夫愚婦亦常道之。而長者每持此以爲警勵後生之格言。嗚呼。兵者國家之干城。國民之犧牲。天下之可尊可敬。可馨香而祝者莫兵若也。捐死生絕利欲棄人生之所樂而就人生之所苦。斷一人之私而濟一國之公。仁有孰大於茲者。而乃以賤丈夫目之。不亦奇乎。余未親歷歐美。于歐美之風俗絕無所接觸。而日本社會上之于軍人也。敬之禮之。惟恐不及。其入營也。親族隣里。釀資以饋之。交樹長幟以祝之。厚宴以饗之。贈言以勵之。子弟之從軍也。父母以爲榮。兄長以爲樂。游幸登臨之地。軍人可半額而入之。飲食衣服之肆。於軍人則稍廉其值。其行軍於野也。則鄉人曲意優待之如賓。苟臨戰而遁逃避匿。或作非行。以損全軍之名譽。一經屏斥。則父母兄弟。隣里親族。引爲深恥奇辱。生者有生之辱。無死之榮。是以從軍者有從軍之樂。而有玷名辱國之畏。故當出鄉之日。訣別于其親曰。此

身已非父母有矣。嗚呼、以吾國之賤丈夫而與彼勁悍無前之國民兵戰。是猶投磚于石。熱雪於爐而已。

傅士麥曰 天下可恃者非公法 惟亦耳 傅士麥

名家談叢

飲冰室自由書

輿論之母與輿論之僕

凡欲爲國民有所盡力者。苟反抗於輿論。必不足以成事。雖然。輿論之所在。未必爲公益之所在。輿論者。尋常人所見及者也。而世界貴有豪傑。貴其能見尋常人所不及。見行尋常人所不敢行也。然則豪傑與輿論。常不相容。若是豪傑不其殆乎。然古今衡許之豪傑。能爛然留功名於歷史上者。踵相接。則何以故。

赫胥黎嘗論格蘭斯頓曰。格公誠歐洲最大智力之人。雖然。公不過從國民多數之意。

見。利用輿論以展其智力而已。約翰摩禮

英國自由黨名士格公生平第一親交也

駁之曰。不然。格公者。非輿

論之僕。而輿論之母也。格公常言。大政治家。不可不洞察時勢之真相。喚起應時之輿論。而指導之以實行我政策。此實格公一生立功成業之不二法門也。蓋格公每欲建一策行一事。必先造輿論。其事事假借輿論之力。固不誣也。但其所假之輿論。即其所

創造者而已。

飲冰子曰。謂格公爲輿論之母也。可謂格公爲輿論之僕也。亦可。彼其造輿論也。非有所私利也。爲國民而已。苟非以此心爲鵠。則輿論必不能造成。彼母之所以能母其子者。以其有母之眞愛存也。母之眞愛其子也。恒願以身爲子之僕。惟其盡爲僕之義務。故能享爲母之利權。二者相應。不容假借。豪傑之成功。豈有僥倖耶。

古來之豪傑有二種。其一以己身爲犧牲。以圖人民之利益者。其二以人民爲芻狗。以遂一己之功名者。雖然。乙種之豪傑。非豪傑而民賊也。二十世紀以後。此種虎皮蒙馬之豪傑。行將絕跡於天壤。故世界愈文明。則豪傑與輿論愈不能相離。然則欲爲豪傑者。如之何。曰。其始也。當爲輿論之敵。其繼也。當爲輿論之母。其終也。當爲輿論之僕。敵輿論者。破壞時代之事業也。母輿論者。過渡時代之事業也。僕輿論者。成立時代之事業也。非大勇不能爲敵。非大智不能爲母。非大仁不能爲僕。具此三德。斯爲完人。

文明與英雄之比例

世界果藉英雄而始成立乎。信也。吾讀數千年中外之歷史。不過以百數十英雄之傳

記磅礴充塞之。使除此百數十之英雄。則歷史殆黯然無色也。雖然使其信也。則當十九世紀之末葉。舊英雄已去。新英雄未來。其毋乃二十世紀之文明。將隨十九世紀之英雄以墜於地。此中消息。有智者欲一參之。

試觀英國。格蘭斯頓去矣。自由黨名士中。可以繼起代興者誰乎。康拔乎。班拿曼乎。羅士勃雷乎。殆非能也。試觀德國。俾士麥去矣。能步其武者。今宰相祿羅乎。抑阿肯羅乎。抑亞那特乎。殆非能也。試觀俄國。峨查俄去矣。能與比肩者。謨拉比埃乎。謨拉士德乎。殆非能也。然則今日歐洲之政界。殆冷冷清清地。求如數十年前之大英雄者。渺不可觀。而各國之外交。愈敏活。兵制。愈整練。財政。愈充溢。國勢。愈進步。則何以故。

吾敢下一轉語曰。英雄者。不祥之物也。人羣未開化之時代。則有之。文明愈開。則英雄將絕跡於天壤。故愈在上古。則英雄愈不世出。而愈見重於時。上古之人之視英雄。如天如神。崇之拜之。以爲終非人類之所能及。中國此風亦不少如關羽岳飛之類皆是若此者。謂之英雄。專制時代。即世界者英雄所專有物而已。降及近世。此風稍熄。英雄固亦猶人。人能知之。雖然。常秀出於萬人之上。鳳毛麟角。爲世所珍。夫其所以見珍者。亦豈有僥倖耶。萬人愚而

一。人。智。萬。人。不。肖。而。一。人。賢。夫。安。得。不。珍。之。後。世。讀。史。者。嘖。嘖。於。一。英。雄。之。豐。功。偉。烈。殊。才。奇。識。而。不。知。其。沈。埋。於。蚩。蚩。蠕。蠕。渾。濁。黑。暗。之。世。界。者。不。知。幾。何。人。也。

廿。世。紀。以。後。將。無。英。雄。何。以。故。人。人。皆。英。雄。故。英。雄。云。者。常。人。所。以。奉。於。非。常。人。之。徽。號。也。疇。昔。所。謂。非。常。者。今。則。常。人。皆。能。之。於。是。乎。彼。此。皆。英。雄。彼。此。互。消。而。英。雄。之。名。詞。遂。可。以。不。出。現。夫。今。之。常。人。所。以。能。爲。昔。之。非。常。人。而。昔。之。非。常。人。只。能。爲。今。之。常。人。者。何。也。其。一。由。於。教。育。之。普。及。昔。者。教。法。不。整。其。所。教。者。不。足。以。盡。高。才。人。腦。筋。之。用。故。往。往。逸。去。奔。軼。絕。塵。今。則。諸。學。大。備。智。慧。日。平。等。平。等。之。英。雄。多。而。獨。秀。之。英。雄。自。少。其。二。由。於。分。業。之。精。繁。昔。者。一。人。而。兼。任。數。事。兼。治。數。學。中。才。之。人。力。有。不。及。不。得。不。讓。能。者。以。獨。步。焉。今。則。無。論。藝。術。無。論。學。問。無。論。政。治。皆。分。勞。赴。功。其。分。之。日。細。則。專。之。者。自。各。出。其。長。而。兼。之。者。自。有。所。不。逮。而。古。來。全。能。之。英。雄。自。不。可。復。見。

若。是。乎。世。界。之。無。英。雄。實。世。界。進。步。之。徵。驗。也。一。切。衆。生。皆。成。佛。則。無。所。謂。佛。一。切。常。人。皆。爲。英。雄。則。無。所。謂。英。雄。古。之。天。下。所。以。一。治。一。亂。如。循。環。者。何。也。恃。英。雄。也。其。人。存。則。其。政。舉。其。人。亡。則。其。政。息。即。世。界。藉。英。雄。而。始。成。立。之。說。也。故。必。到。人。民。不。倚。賴。

英。雄。之。境。界。然。後。爲。眞。文。明。然。後。以。之。立。國。而。國。可。立。以。之。平。天。下。而。天。下。可。平。雖。然。此。在。歐。美。則。然。耳。若。今。日。之。中。國。則。其。思。想。發。達。文。物。開。化。之。度。不。過。與。四。百。年。前。之。歐。洲。相。等。不。有。非。常。人。起。橫。大。刀。濶。斧。以。關。榛。莽。而。開。新。天。地。吾。恐。其。終。古。如。長。夜。也。英。雄。乎。英。雄。乎。吾。夙。昔。夢。之。吾。頂。禮。祝。之。

憂國與愛國

有憂國者。有愛國者。愛國者語憂國者曰。汝曷爲好言國民之所短。曰。吾惟憂之之故。憂國者語愛國者曰。汝曷爲好言國民之所長。曰。吾惟愛之之故。憂國之言使人作憤激之氣。愛國之言使人厲進取之心。此其所長也。憂國之言使人墮頹放之志。愛國之言使人生保守之思。此其所短也。朱子曰。教學者如扶醉人。扶得東來西又倒。用之不得其當。雖善言亦足以誤天下。爲報館主筆者。于此中消息不可不留意焉。

今天下之可憂者莫中國若。天下之可愛者亦莫中國若。吾愈益憂之。則愈益愛之。愈益愛之。則愈益憂之。既欲哭之。又欲歌之。吾哭矣。誰歟。踊者。吾歌矣。誰歟。和者。日本青年有問飲冰子曰。支那人皆視歐人如蛇蝎。雖有識之士亦不免。雖公亦不免。

何也。飲冰子曰：視歐人如蛇蝎者，惟昔爲然耳。今則反是。視歐人如神明，崇之拜之，獻媚之乞憐之。若是者，比比皆然。而號稱有識之士者，益甚。昔惟人人以爲蛇蝎，吾故不敢不言其可愛。今惟人人以爲神明，吾故不敢不言其可嫉。若語其實，則歐人非神明，非蛇蝎，亦神明，亦蛇蝎。即蛇蝎雖然，此不過就客觀的言之耳。若自主觀的言之，則我中國苟能自立也，神明將奈何？蛇蝎又將奈何？非蛇蝎，又將奈何？



輿論一斑

論李鴻章

全權大臣直隸總督李鴻章。以辛丑九月廿七日逝世。古人云蓋棺論定。而距今三月。天下之論之者多矣。但其生平毀譽參半。功過相埒。論史者于此覘卓識焉。爰節取各報之論列之者彙錄于下。雖事經數月。或來明日黃花之語。惟本報適以今日始行出世。而李鴻章又爲我國近數十年最有關係之人。故雖時過事遷。有所不計也。上海同文滬報曰

溯傅相自咸同以來。以詞臣出襄戎事。洊歷道員。起任封疆。其間平髮平捻。大功卓著。膺五等之封。爲中興名臣。赫然負天下重望。與曾文正左文襄諸公媲美。既而調任北洋。遙領首輔。與東西各國講通商。訂條約。總外交之權者二十餘年。名播環球。而外人亦且以第一流人物相待矣。惟至甲午中東之役起。戰旣大敗。海軍盡殲。奉命議和。割地賠款。天下始羣起相咎。(中畧)自去歲團匪肇亂。得罪各國。聯師攻陷

京城。兩宮西幸。公復奉命爲全權大臣。與各國議和。磋商久之。卒定和局。與各國言歸于好。雖有不滿于政府之意。然天下知去歲之亂甚鉅。所開罪各國甚大。公之所處甚難。又未嘗不羣相諒公。惟東三省密約一事。僉謂爲公主持前約。以朝命不允。簽押雖爲中止。而後約復訂。雖較前約爲稍愈。喪失權利。仍復不少。(中略)嗟乎。公今沒矣。古之論人者。不以一眚掩大德。亦不以晚節概生平。甲午以前。公之功固多。甲午以後。公之過亦甚著。論公者當分其前後功過而言。而未可彼此相掩沒也。

上海新聞報曰

縱觀公之一生。亦非常之人矣。平大難。定大計。持大体。及公者幾人。大江表裡。黃河南北。食公之福者十餘省。及公者又幾人。中外數十國服公之德。艷公之名。公之扶危定傾。息紛修好。爲東西各國貼服。及公者又幾人。故公之功。烈不朽。中外無間。惟實備賢者。文正多用經。公多用權。文正多用道。公多用術。賢者之過。無所用其諱。殆學術之不副經濟乎。

星架坡天南新報曰

嗟乎。世變維艱。人才難得。昔胡致堂論史。千古幾無完人。其持論之太刻。識者譏之。以李爲今世所推之人傑。一旦蓋棺論定。愛之者固讚揚太息。大書特書。即惜之者亦惟惜其經手交涉之事件猶多。而遽爾溘逝。責之者亦惟責其變行新政之不早。而難免譏彈。而反諸執筆人之心。則有大相刺謬者。且其生平有虧大節。與貽誤事機。管見所及。確有恕之無可恕。而並非過從刻論。以愛憎爲褒貶。而蹈致堂胡氏之覆轍者。故發議即以李鴻章爲時世所造之英雄。其寬于期許也極矣。不然其勳名以髮捻之匪而成。其身世反因拳匪而終。能平髮逆。而不能平拳匪。以此歎李鴻章實一碌碌庸材。即時世所造之英雄。亦絕非其生平所能副。可知平定髮逆之功。仍屬因人成事。尙論及此。吾轉爲李之部將程學啓及英將戈登等衆呼冤矣。唐史載天生李晟。爲社稷也。吾謂天不早死李鴻章。爲亡中國也。死無他恨。惜公遲一語。正可爲沒世之贈矣。吾豈好爲刻論哉。

檀香山新中國報曰

李鴻章之爲人。論之者詳矣。或以爲中國之秦檜李林甫。或以爲德國之卑士麥。法

國之爹亞。意國之富彌侯。要而論之。實中國之民賊。爲愛親覺羅氏一姓一家之人。且爲那拉西后一人一己之人。其功之在人耳目者有如此也。實民賊之下愚。爲李氏一身一家之人。且李氏爲子孫一日一時之人。其罪之在人耳目者有如此也。李起家翰林。與駱曾左胡諸公相周旋。皆建大業以耀世。而要不外殄賊同類。剝喪民權。謂爲韃靼之功臣則有之。謂爲中國之功臣則未也。（中略）去年團匪之亂。事前則有沈鵬陳鼎之阻諫。事起則有袁昶許景澄之阻諫。而李以數朝元老。于端王之廢皇上也不之諫。于剛毅之籌拳餉也不之諫。爲那拉所最信任之人。手立兩君。躬輔幼主。先事而求外官。避地督粵。坐視國危。甘于獎奸。閉口結舌。雖講和不無微勞。然功不補過矣。嗚呼李實一巧于趨避之小人。其行事無足取。其立心誠不可問矣。

香港中國日報曰

自古無才不足以濟奸。前人論之詳矣。如西漢之王莽。東漢之曹操。唐之李林甫。盧杞。南宋之秦檜。此皆有過人之才。以竊取高位。而清朝李鴻章則更駕而上焉。（中

略。古來權奸勢倖。苟觸其怒。每爲一網打盡之謀。必至臭遺萬年。名污青史。李鴻章有鑒于此。遂一變計焉。笑罵任他笑罵。高官我自爲之。且恃西后之奧援。任彈莫奈。又何必身爲怨府。蒙千載不韙之名哉。此乃李鴻章一生隱微。無人道破。有識者當自知之。

「又一論曰。」嗟乎。老大帝國之老大權臣李鴻章伯。以一身關支那之安危。問其內治外交。亦赫奕環球。然僅能爲滿清朝廷保其私產。而不能爲支那國民擴其利益也。（中略）李以才大小細之誤。愈忍辱而愈見陵。初見于琉球。次見于臺灣。三見于越南。四見于暹羅。五見于緬甸。六見于西藏。至甲午朝鮮之役。而天下咎之者多。然猶未及中俄密約兩次之大害也。夫滿洲者清室之祖地。亞洲大陸之奧區也。李以聯俄主義。拱手而贈之俄人。破壞宇內之平和。從前外交諸事。論者猶爲李諒。而于中俄密約。則不能爲李恕矣。嗚呼。成敗論人。蓋棺論定。吾不惜李之無才無功無地無時。而獨惜李之內治外交。僅能爲滿清朝廷保其私產。而不能爲支那國民擴其利益也。

綜觀以上各論。其于李鴻章之爲人。可知其大概矣。夫李鴻章之在中國。爲近數十年最有關係之人。無可疑也。跡其生平行事。其所表著者。類皆顯赫之功。其所致敗者。亦非等閑之著。其成其敗。均非尋常人之所能及。則夫世之論之也。譽之歟。毀之歟。抑盡得其真相歟。請還以質諸知人論世者。



新智識之雜貨店

▲人壽進化。衛生學日明。政治風俗日美。則人壽自漸增加。西人近以統計學算之。十七世紀歐洲人。平均得壽十三歲。十八世紀平均得壽二十歲。十九世紀驟增至平均三十六歲。然則二十世紀果何如。東方各國又果何如。

▲腦精代謝。人之腦含有三萬萬箇細胞。此細胞新陳代謝。約六十日而全易。即一日換五百萬箇。一點鐘換二十萬箇。一分鐘換三千五百箇。佛說我身非我有。信然。空氣與水。凡人在無空氣之地五分內即死。在無水之地一禮拜即死。不得睡眠十日內即死。

▲魚之睡眠。魚常睡而不熟睡。但當其睡時。斑紋之色常變。比於醒時。尤為美觀。亦有一種魚。睡時全變其色者。

▲牡蠣之力。世界動物中最強有力者。以牡蠣為第一。人若有能力比牡蠣者。則可

以擔荷二百九十七萬六千磅之重云。

▲蝸牛之頭。將蝸牛之頭切去。置之於多濕氣而冷之處。不惟可以不死。且不久將另生出第二之頭云。

▲印度猛獸。英屬印度。近年猛獸之害漸減。據其地政府昨年之報告。本年人之被害者不過一萬一千人。家畜之被害者不過九萬頭。

▲阿刺伯馬。阿刺伯產最良之馬。於夏日能以二十四點鐘。於冬日能以四十八點鐘。不飲不食而行沙漠中。

▲蠻人食品。阿非利加及南洋土人。以蜘蛛及各種蟲類為最美之食品。

▲接吻時刻。歐人之新夫婦。結婚前後數年間。接吻最多之時期也。大約每日男接於女。女接於男者。最少各一百回。合計共二百回。則五年間共三十六萬五千回。一回約費時十秒。則五年內為接吻之事。竟枉費去四十二日零六點鐘。此亦文明人種之所以為文明耶。一笑。

▲男女毛髮。男女毛髮有區別。以顯微鏡視之可得。

▲古代貨幣。前代發行之貨幣。每月許多奇式。千七百八十七年。美國所鑄之幣。其

文曰 Mind your own Business 譯言用心於汝自己之事務也。印度之銀幣有文曰

Do not steal me 譯言勿偷我也。

▲世界貨幣。現通行於世界之貨幣總數。凡金幣七十一萬萬零六千五百二十一萬圓。凡銀幣八十萬萬零八千五百四十萬圓。凡銅幣三十二萬萬零一千萬圓。此三年前英國統計學者所查得也。

▲德皇治事。德國皇帝近來每日接到之書信約六百封云。

▲製造香梘。英國每一禮拜所製出之香梘四萬五千噸。其中四千噸製自倫敦。

▲植物種類。歐羅巴全洲植物種類。不過一萬。印度一國乃有一萬五千。

▲國旗滅亡。四十四年前即一千八百五十八年。倫敦之泰晤士週報附錄世界國旗為數凡三十五種。今日已減去十一種。

▲地球之重。地理之重率。以噸數起算。則於6位之下加二十一箇0是也。

▲最小之市。西人 City 之名或譯為市。蓋大都會之意也。現世界中有冒大都會之

名。而市內僅有三間屋者。則美國之士倭雪地 *Seward City* 是也。其二間屋則一市長衙門。一副市長衙門。三市會議長之家也。

天下莫大於秋蓬之末 而泰山為小
莫壽於孺子 而彭祖為天

小說

劫灰夢傳奇

楔子一齣 獨嘯

生巾幘倚劍囊書上

繞地布

浮雲西下來去無牽挂。別有奇愁難卸。欲哭還歌。是真和假。念悠悠。天地有

淚如麻

國破山河在。城春草木深。感時花濺淚。恨別鳥驚心。小生姓杜名撰。表字如晦。浙江江山縣人也。早登翰苑。旅食京華。半生困高頭講章。十載飽軟紅塵味。自從甲午以後。驚心時局。大夢初醒。便已絕意仕進。僦屋於城西棗花寺傍。讀書自樂。不料去歲義和團。弄兵召戎。獎羣盜爲義民。尸鄰使於朝市。卒使乘輿播蕩。神京陸沈。天壇爲芻牧之場。曹署充屯營之帳。咳。小生那時。親在京師。目覩兩宮倉皇出走之形。羣僚狼狽逃命之狀。以及外兵之野蠻暴掠。民間之狼藉顛連。至今思之。歷歷在目。自

念眇軀。無關輕重。遂乃棄官南下。浪跡江湖。今值大難已平。回鑾已達。滿日照。照融。融。又是一番新氣象了。咳。看官啊。你看如今情形。果算得箇新氣象麼。**嘯介** 今日獨居岑寂。觸緒傷懷。不免嘯歌一回。聊自消遣則箇。

梁州序 蒼天無語。江山如畫。一片殘陽西。掛舊時王謝。燕歸何處。人家陰山。鐵騎斗米黃巾。賸付漁樵話。神京有地。騁戎馬。中原無處。起龍蛇。泱泱風安在也。

嘯介 想起中國現在情形。真乃不勝今昔之感。看官啊。你道甲午庚子兩役。就算是中國第一大劫麼。只怕後來還有更甚的哩。你看那列強啊。

前詞 颶風碎擊。怒潮傾瀉。萬斛艤。艘東下。誰家臥榻。儘伊。軒睡。紛拏。優勝劣敗。競立爭存。斯事。曠憐。借百年龍戰。歐和亞。政。覺黃梁。日已斜。英雄淚。向誰洒。

自語介 自古道。物恥可以振之。國恥可以雪之。若使我中國自今以後。上下一心。發憤為強。則塞翁失馬。安知非福呢。**長嘯介** 咳。你看今日的人心啊。

自羅袍 依然是歌舞太平。如昨。叶。乍到今兒。便記不起。昨日的雨。橫風斜。游魚在釜。戲菱花。庭堂燕雀。安頹。屢黃金暮夜。侯門路。除青燈帖。指廉船。養華望天兒。更打落。幾箇。

糊塗卦。

這算是那一種守舊的咯。別有那叫做通洋務的呢。

前調 更有那婢膝奴顏流亞。趁風潮便找定他的飯碗根芽。官房繙譯大名。家洋行。通事龍門價領約。卡拉口啣雪茄。見鬼唱啞對人磨牙。笑罵來則索性由他罵。

咳。你看整日價熙熙攘攘。就只是這兩種類的人。想起中國前途。怎生是了。
你這般的人啊。就是不想到日後。難道便不記得從前不成。

北江梅令 俺曾見素衣豆粥。陪鑾駕。俺曾見腥風血雨。冬和夏。俺曾見列國屯營。分占住官衙。俺曾見天壇滿黍。著西來馬。卿也無家。我也無家。擔糞土命官。似狗掠胭脂。童女如麻。這莫是泥犁。雲現的吉祥花。這莫是國民償負的文明價。哭徧天涯。徧哭天涯。苦衷難話。這也算去年今日爛錦年華。

南泣頌回 擔多少童號婦嗟。受多少魂驚夢怕。到如今頓變作風流畫。過得些些樂。得些些。不管他堂前燕子入誰家。只願我流水落花春去也。
嘯介 咳。教我一腔熱血。從何灑。又是想他。又是恨他。則索披髮長號。撫髀長吟。聲和淚。斜陽下。

自語介 我想歌也無益。哭也無益。笑也無益。罵也無益。你看從前法國路易第十
四的時候。那人心風俗。不是和中國今日一樣嗎。幸虧有一箇文人。叫做福祿特爾。
做了許多小說。戲本。竟把一國的人。從睡夢中喚起來了。想俺一介書生。無權無勇。
又無學問。可以著書傳世。不如把俺眼中所看着那幾樁事情。俺心中所想着那幾
片道理。編成一部小小傳奇。等那大人先生。兒童走卒。茶前酒後。作一消遣。總比讀
那西廂記牡丹亭。強得些些。這就算盡我自己。面分的國民責任罷了。

尾聲 天荒地老情無那。上聲只贏得憂患餘生兩鬢華。抖擻着情閑唱出興亡話。

長嘯下

未濟終焉心縹緲

吟到夕陽山外山

百事翻從缺陷好

古今難免餘情繞

詩界潮音集

二十世紀太平洋歌

任公

亞。洲。大。陸。有。一。士。自。名。任。公。其。姓。梁。盡。瘁。國。事。不。得。志。斷。髮。胡。服。走。扶。桑。扶。桑。之。居。讀
書。尙。友。既。一。載。耳。目。神。氣。頗。發。皇。少。年。懸。弧。四。方。志。未。敢。久。戀。蓬。萊。鄉。誓。將。適。彼。世。界。
共。和。政。體。之。祖。國。問。政。求。學。觀。其。光。乃。於。西。歷。一。千。八。百。九。十。九。年。臘。月。晦。日。之。夜。半。
扁。舟。橫。渡。太。平。洋。其。時。人。靜。月。黑。夜。悄。悄。怒。波。碎。打。寒。星。芒。海。底。蛟。龍。睡。初。起。欲。嘯。未。
嘯。欲。舞。未。舞。深。潛。藏。其。時。彼。士。兀。然。坐。澄。心。攝。慮。游。窅。茫。正。佳。華。嚴。法。界。第。三。觀。帝。網。
深。處。無。數。鏡。影。涵。其。旁。驀。然。忽。想。今。夕。何。夕。地。何。地。乃。是。新。舊。二。世。紀。之。界。線。東。西。兩。
半。球。之。中。央。不。自。我。先。不。我。後。置。身。世。界。第。一。關。鍵。之。津。梁。胸。中。萬。千。塊。壘。突。兀。起。斗。
酒。傾。盪。盪。氣。迴。中。腸。獨。飲。獨。語。苦。無。賴。曼。聲。浩。歌。歌。我。二。十。世。紀。太。平。洋。巨。靈。擘。地。
鏡。鴻。荒。飛。鼉。碎。影。神。螺。僵。上。有。搏。土。頑。蒼。蒼。下。有。積。水。橫。泱。泱。搏。土。爲。六。積。水。五。位。置。

落錯如參商。爾來千劫千紀。又千歲。倮蟲緣蟲。為其鄉。此蟲他蟲。相鬪天演。界中復幾。劫優勝劣。敗吾莫強。主宰造物。役物物。莊嚴此土。無盡藏。一初為據亂。次小康。四土先。達爰濫觴。支那印度。邈以隔埃及安息。侯官嚴氏考定小亞細亞即漢之安息今從之鄰相望。地球上古文明祖國有中國印度埃及小亞細亞是厥名。河流文明時代第一紀。始脫行國。成建邦。衣食衍衍。鄭白沃。貿遷僕僕。浮茶梁。恒河鬱壯。身毒長。揚子水碧。黃河黃尼羅。埃及及一歲一泛濫姚臺。姚弗里士河台格里士河皆安息大河名蜿蜿雙龍翔。水哉水哉。厥利乃爾。溥浸濯暗。黑揭晶光。此後四千數百載。羣族內力逾擴。張乘風。每駕一葦。渡搏浪。乃持三歲糧。漢書西域傳言渡西海不得風或三歲乃達西海即地中海也就中北辰星拱地。中海葱蔥鬱鬱。騰光鏡岸。環大小都會。數百計。積氣森森。盤中央。自餘各土。亦爾爾。海若凱奏。河伯降波。羅的與亞刺伯。二海西域兩極遙相望。亞東黃渤。謂黃海壯以關。亞西尾閭。身毒洋。謂印度洋斯名內海。文明時代第二紀。五洲寥邈。殊未央。一蟄雷一擊。百靈忙翼。輪降空。神鳥翔。哥倫布初到美洲土人以為天神見其船之帆謂為翼也唱哉世界之外。復有新世界。造化乃爾。神祕藏。閣龍。日本譯哥倫布以此二字歸去舉國。狂帝者挾職民。羸糧談瀛海。客多於鮒。莽土倏變華嚴場。竭來大洋文明時代始萌。藥豆五世紀堂哉。皇其時。西洋。謂大權力漸奪。西海。謂地中海席。

兩岸新市星羅碁布氣燄長虹長。世界風潮至此忽大變。天地異色神鬼眩。輪船鐵路
 電綫瞬千里。縮地疑有鴻祕方。四大自由謂思想自由言論自由行為自由出版自由塞宙合奴性。銷爲日月光。
 懸崖轉石欲止不得止。愈競愈劇愈接愈厲卒使五洲同一堂。流血我敬彼頓曲。
覓得檀香山澳大利亞洲者後爲檀島土民所殺衝鋒我愛麥塞耶以千五百十九年船鼎數子隻手挈大地電光一掣始繞地球一周者
 劍氣磅礴太平洋。太平洋大風泱泱。大潮滂滂。張肺歎地地出沒噴沫衝天。
 天低昂氣吞歐墨者八九。况乃區區列國誰界疆。異哉似此大物隱匿萬千載。禹經亥
 步無能詳。毋乃吾曹軀殼太小君太大。棄我不屑齊較量。君兮今落我族手。游及當盡
 君所長。吁嗟乎今日民族帝國主義正跋扈。俎肉者弱食者強。英獅俄鷲東西帝兩虎
 不鬥羣獸殃。後起人種日耳曼國有餘口。無餘糧欲求尾闈。今未得拚命大索殊皇皇。
 亦有門羅主義北美合衆國。潛龍起蟄神采揚。西縣古巴東菲島。中有夏威夷點烟微。
 茫太平洋變裏湖水。遂取武庫廉奚傷。蕞爾日本亦出定座容。卿否費商量。我尋風潮
 所自起。有主之者吾弗詳。物競天擇勢必至。不優則劣兮不興則亡。水銀鑽地孔乃入。
 物不自腐蟲焉藏。爾來環球九萬里。上一砂一草皆有主。旗鼓相匹強權強。准餘東亞。

老。大。帝。國。一。塊。肉。可。取。不。取。毋。乃。殃。五。更。肅。肅。天。雨。霜。軒。聲。如。雷。臥。榻。傍。詩。靈。罷。歌。鬼。
罷。哭。問。天。不。語。徒。蒼。蒼。噫。嗚。呼。太。平。洋。太。平。洋。君。之。面。兮。錦。繡。壤。君。之。背。兮。修。羅。場。
海。電。兮。既。設。艦。隊。兮。愈。張。西。伯。利。亞。兮。鐵。路。卒。業。巴。拿。馬。峽。兮。運。河。通。航。爾。時。太。平。洋。
中。二。十。世。紀。之。天。地。悲。劇。喜。劇。壯。劇。慘。劇。齊。輪。轉。吾。曹。生。此。豈。非。福。飽。看。世。界。一。度。兩。
度。兮。滄。桑。滄。桑。兮。滄。桑。轉。綠。兮。廻。黃。我。有。同。胞。兮。四。萬。五。千。萬。豈。其。束。手。兮。待。殛。招。國。
魂。兮。何。方。大。風。泱。泱。兮。大。潮。滂。滂。吾。聞。海。國。民。族。思。想。高。尙。以。活。潑。吾。欲。我。同。胞。兮。御。
風。以。翔。吾。欲。我。同。胞。分。破。浪。以。颺。一。海。雲。極。日。何。茫。茫。濤。聲。徹。耳。逾。激。昂。鼉。腥。龍。血。玄。
以。黃。天。黑。水。黑。長。夜。長。滿。船。沈。睡。我。徬。徨。濁。酒。一。斗。神。飛。揚。漁。陽。三。疊。魂。慙。傷。欲。語。不。
語。懷。故。鄉。緯。度。東。指。天。盡。處。一。線。微。紅。出。扶。桑。酒。罷。詩。罷。但。見。寥。天。一。鳥。鳴。朝。陽。

吹鐵一池春水 干卿甚事

介紹新著

原富

英國斯密亞丹著 侯官嚴復譯 上海南洋公學印 定價八毫

原書以西曆一千七百七十六年即乾隆三十二年出版。原名 *Inquiry into the Nature and Causes of the Wealth of Nations*。譯言考究國民之富之天然及原因也。嚴氏定爲今名。斯密亞丹爲政術理財學（英文 *Political Economy*）。中國未有此名詞。日本人譯爲經濟學。實屬不安。嚴氏欲譯爲計學。然亦未賅括。姑就原文政治與計算兩意。擬爲此名。以質大雅。之鼻祖。西人推崇之者。至謂此書出版之日。即爲此學出世之日。雖其言未免過當。要之使此學確然成一完全獨立之學科者。實斯密氏之功也。此書印行後。迄今百有餘年。其間學說之變遷。不下數十派。愈辨愈精。愈出愈新。至今此書。幾如夏鼎商彝。視爲陳迹。然後起諸家之說。總不外引申此書是正此書之兩途。雖謂不能出斯密氏之範圍可也。然則欲治此學者。固萬不可不讀此書。嚴氏首譯之。誠得其

本矣。全書凡分五編。前二編總釋政術理財學之界說。第一編考國富之實。與其所以富之由。而論勞力之貴巧貴疾。及其食報殊等之原因結果。第二編論資本之性質。及資本與勞力之關係。第三編論各國理財政術之歷史。而窮其理勢之所由致。第四編評騰前此理財家之學說。而論重農重末兩派之異同得失。第五編論國家財政之事。其賦稅之種類性格如何。賦稅之方法如何。及近代國債之原起利病。論全書之體段。於部分之得宜。篇章之完整。不無缺憾。要之能綜合種種繁曠之事物。而以一貫之學理鎔鑄之。其心力可謂宏偉矣。雖其中自相矛盾之處亦不少。但創始者難爲功。非我輩憑藉先業者所宜妄加菲薄也。嚴譯僅第一第二編。其後三編尙未成。但全書綱領。在首二編。學者苟能熟讀而心得之。則斯學之基礎已立。他日讀諸家之說。自不致茫無津涯矣。嚴氏於翻譯之外。常自加案語甚多。大率以最新之學理。補正斯密所不逮也。其啓發學者之思想力。別擇力。所益實非淺鮮。至其審定各種名詞。按諸古義。達諸今理。往往精當不易。後有續譯斯學之書者。皆不可不遵而用之也。嚴氏於西學中學。皆爲我國第一流人物。此書復經數年之心力。屢易其稿。然後出世。其精善更何待言。

但吾輩所猶有憾者。其文筆太務淵雅。刻意摹仿先秦文體。非多讀古書之人。一縉殆難索解。夫文界之宜革命久矣。歐美日本諸國文體之變化。常與其文明程度成比例。況此等學理邃曠之書。非以流暢銳達之筆行之。安能使學僮受其益乎。著譯之業。將以播文明思想于國民也。非爲藏山不朽之名譽也。文人結習。吾不能爲賢者諱矣。又吾輩所要求於嚴氏者有兩事。一曰將所譯之各名詞。列一華英對照表。使讀者可因以參照原書。而後之踵譯者。亦得按圖索驥。率而遵之。免參差以混耳目也。一曰著叙論一卷。略述此學之沿革。斯密氏以前之流派若何。斯密氏以後之流派若何。斯密氏在此學中位置功德若何。綜其概而論之。以餉後學。今此書曾無譯者自序。乃至斯密亞丹爲何時人。原富爲何時出版。亦未言及。不得不謂一缺點也。吾聞譯者嘗言。吾於此學。欲譯最古者一書。最新者一書。吾深佩其言。豈惟此學。諸科之書。亦當如是矣。斯編則其所謂最古者也。吾欲代我學界同志要素斯編之速卒業。吾欲代我學界同志要素其所謂最新者之一書。吾更欲代我學界同志要素他諸學科中最古最新者各一書。願嚴子有以語我來。

仁學

故瀏陽譚嗣同遺著

橫濱清議報館印

東京國民報社再印

定價五毫

此書爲瀏陽譚氏丙申丁酉間在金陵所著。分上下二篇。前有界說。後有自序。蓋精心結撰之作也。著者在吾國政治界學術界思想界。皆爲開山擊石之原動力。其人物之偉大。稍有識者皆能知之。無待贅言。此書以佛學格致學二者爲基礎。合一爐而冶之。而歸之於實用。故其中有魂學。有倫理學。有政治學。有理財學。尋常人所視爲各不相屬之學科。殺雜並陳。而以一大理貫之。蓋著者之眼中。見天下事物。無精無粗。無大無小。皆一切平等故也。其思想出乎天天。入乎人人。殆有非鈍根衆生所能夢見者。著成後。恐駭流俗。故僅以示一二同志。祕未出世。及其爲民流血。功成身退。同人乃謀弘布之。吾國人於形質上精神上。有種種奴隸根性。積之數千年。非有獅子吼之說法。不足以震蕩之而滌除之。若仁學者。真宜家置一編。日讀一過。以自解釋而自警策者也。或病其言太厯雜。忽彼忽此。未能首尾完具。成一家純全之哲學。斯固然也。然著者未通歐美一國之語言文字。未嘗一讀他國之書。毫無憑藉。而能發此無上之思想。此豈略

覽二家之學說。撫人牙慧以自炫者。所能雌黃哉。著者至誠之人也。誠積於心而形諸言。此書非徒教授學者以理論。而感化學者以精神也。讀其書。當學其爲人。則瀏陽死而未死矣。

李鴻章

飲冰室主人著

橫濱清議報館印

新民叢報社發售

定價六毫

此書以泰西傳記新體。敘述李鴻章一生經歷而論斷之。其體例實創中國前此所未有。著者之文章。常見於清議報中。世間早有定評。此編非徒爲李鴻章作行狀。蓋以李鴻章時代之歷史。實爲中國數千年來未有之變局。而一國之事。幾無不與李有關係。故此書又名四十年來大事記云。其論李也。於常人所共非謗者而訟直之。於常人所共不察者而資備之。處處皆有特識。而於數千年來羣治之積習。及數十年來朝政之失宜。所以造成今日之結果者。尤三致意焉。思想偉大。而筆力足以達之。誠近今之鴻著也。惜著者與李鴻章相交不深。不能多識其性行事實。又越在海外。所據之書籍不多。或不免有遺漏舛誤之處。然此書既非爲李鴻章一人而作。則讀者但求其精神可耳。九方臬之相馬。不必惟牝牡驪黃之是問也。

(他書次編續登)

